

黃氏逸書考

周易鄭注序

返魂之作莫盛于深甯叟而深甯叟諸返魂書莫盛于周易鄭康成注惟編次先後與經文不應且不著所引出自某書此

本朝惠松崖先生所以有補葺之功也凡王氏所引者既各還出處於所未引補九十餘條而刪原引諸經正義論互體八條可謂王氏諍臣矣然猶不能無疑如所據鄭公周禮大師注作十二月爻辰圖又據月令注作爻

民國甲戌

周易鄭注序

一江都朱氏

辰通二十八宿圖以駁正朱子發漢上易傳

汪晉蕃復起而駁松翁爻辰圖之非非若汪

孝嬰汪曰鄭易以象為主先取本卦象無則取之卦之象互卦之象之而互之象爻

辰值得宿象令繫辭無一字虛設然聖人言爻者言乎象爻者言乎變是解象辭不應取

之卦之象解爻辭惟當取一爻獨噓宋人已

變之象鄭按之此例尙未悉協

燼之程大昌易原曰康成用十日十二辰

乾鑿度與馬融之增北辰不足爲鄭學病

然則晉蕃未爲無功一疑也古書序皆在終

卷不知松翁何以移易贊于卷端卽原附易

論四條亦不盡可刪二疑也盧雅雨堂叢書之役松翁實董其成其陸德明易釋文李賁州易集解皆松翁一手校定而是書漏注釋文至數十處之多或猶可諉爲手民脫寫卽革改也三字爲釋文與水火相息而更用事云云爲集解不應混一亦可以鈔胥不了了當之其漏引易之以書契以書書木邊言其事刻其木謂之書契也一條是書釋文非易釋文當日雅雨堂止刻易釋文一種猶有說

民國甲戌

周易鄭注序

二江都朱氏

焉惟萃若號號戶羹反一條覆公餗餗菜也  
一條離羣醜也離猶去也一條剛柔相摩摩  
迫也一條所樂而翫者一條大衍之數衍演  
也一條皆盧刻釋文所有而皆遺之晝日三  
接接勝也一條止注王氏而不知亦出釋文  
松翁斷不若是陋豈是書刻成後竟全未寓  
目耶三疑也李集解用毛詩分冠小序例以  
序卦分冠六十四卦首故有大而能謙必豫  
一條言國旣大而能謙見卷四言同旣大而

有謙德又見卷十七皆鄭注而不無同異王氏原引在集解卷四而松翁獨舍卷四而取卷十七此固當兩存者四疑也王氏原引小過亨利貞一條見漢上易傳兩儀生四象一條見漢上叢說可觀而後有所合一條見後漢書崔駰傳注皆非松翁未見書乃皆不著所出且此三條其一出易緯乾鑿度其二出乾鑿度注而乾鑿度亦爲雅雨堂中松翁同校刊之書竟不加察五疑也經文異字固當

據釋文有不關鄭義乃亦用古寫者如小畜  
輿說輶忽作輻夫壯于頄忽作頄六疑也所  
刪原引諸經正義論互體八條左傳正義論  
歸妹上六師之臨二條雖服注卽鄭注究爲  
服義宜刪惟旣刪禮記正義論乾追變化周  
禮疏論艮爲狗二條而禮記正義論恒六五  
九三及取諸大過三條何又不刪松翁易漢  
學中鄭易一卷卽仍用此本而彼存此刪之  
禮記正義論蠱上九一條或刪或不刪七

一新補九十二條內有二十五條爲明姚叔  
祜所已補松翁所補者止六十餘條耳旣補  
王本所未載卽不應轉去所已載如開卷原  
引乾初九周易以變者爲占故稱九稱六一  
倏師丈人吉丈人能以法度長于人一條賁  
白馬翰如翰白也一條鼎其刑剝臣下曠官  
失君之美道當刑之于屋中一條蓋取諸乾  
坤但土無正位託于南方南方色赤黃而兼  
赤故爲壘也一條似此凡脫十餘條脫字無

民國甲戌

周易鄭注序

四江都朱氏

補刊



算八疑也有不知原引出處但標王氏者大半出諸經正義則以其近而忽之漢上易爲松翁所據而採之不盡九疑也龍戰于野聖人喻龍君子喻蛇條下其注當作儀禮鄉射禮疏不當作儀禮注蛇龍君子之類九字在王氏全書無注偶爾注此亦姑聽之松翁踵而未改十疑也凡此十疑已有張皋文丁小雅諸先生相繼補苴於松翁所未補未注者補之注之於所出不一書者備列之而於周

易義海撮要所載鄭注如範圍天地之化而  
不過一條一陰一陽之謂道一條繼之者善  
也一條坤也者地也一條義海撮要所載鄭  
注尚不止此數條  
惟或題鄭字或題元字或題康成字其  
顯題名號者敢採僅題姓者不敢採皆洋  
洋數十言曾無引及者彌信實事求是之難  
不揣禱昧從事日久始亦惑于俗說謂鄭公  
先受京氏易繼通費氏易史稱費易無章句  
徒以彖象繫辭十篇解說上下經由是言易  
者咸謂費氏始合經傳松翁補是書兼取晁  
民國甲戌

周易鄭注序

五江都朱氏

氏而晁氏卽言費專以彖象文言參解易爻  
以彖象文言入卦中自費氏始鄭公旣傳費  
學鄭本應如今有文言之乾卦久而知其說  
之謬夫史云非合傳于經之謂謂費卽以傳  
釋經不別爲訓故耳然則費易猶是十二篇  
百本不異田何其割彖象兩傳以附經雖由  
鄭公然觀高貴鄉公與淳于俊問答惟云鄭  
合彖象于經不云分附象傳于六爻則坤已  
後經傳相閒爲王輔嗣所移非鄭公之舊明

矣隋志舊唐志並云九卷釋文新唐志並云  
十卷北宋初尙存一卷崇文總目著錄者爲  
文言說卦序卦雜卦四篇是鄭易文言自爲  
一傳之證王氏談錄言祕閣有鄭氏注易一  
卷文言自爲篇亦宋時人能知此事者至於  
宋末卽首輯是書之深甯叟未嘗不自知之  
見于玉海之藝文鄭氏所注第九總文言說  
卦序卦雜卦四篇學者不能知其次乃謂是  
鄭氏文言明知之而故違之此卽可寬首事

之責而責固在後起之人松翁特百密而一疎耳余則何敢不亟改文言從下繫後俾高密遺書畧具師法而屏初稿于此以彰吾過且不忍棄幼學也

道光壬寅長至月甘泉黃奭右原

附目

王應麟周易鄭康成注一卷

江寧藩署本

震亨祕冊彙函本

津逮祕書姚士麟本

惠棟鄭氏周易一卷

盧氏雅雨堂叢書本

建棟鄭康成易一卷

畢氏經訓堂叢書易漢學本

豫堂鄭康成周易注三卷補遺一卷

漢魏

一家曰

張惠言周易鄭氏注三卷

陳鱣盧文弨孫志祖刪校本

丁杰周易鄭注十二卷

陳氏湖海樓叢書臧輔堂敘錄本

孔廣林周易鄭氏注十二卷

鄭學本

通德堂經解

逸書考

周易注

甘泉黃奭學

上經

乾

易歷三聖伏羲制卦文王繫辭孔子作十

翼

正義序

初九潛龍勿用

周易以變者爲占故稱九稱六

正義柳宗元與劉禹

錫論周易九六說書云鄭立注周易亦稱以變者占故云九六也

周易注

二

九二見龍在田利見大人

二於三才爲地道地上卽田故稱田也

集解

熊過易象旨決錄引二於三才爲地道蓋以六畫言之地上卽田也案蓋以六畫言之是

熊氏語

九二利見九五之大人

正義云鄭說

九三君子終日乾乾夕惕若厲无咎

三於三才爲人道有乾德而在人道君子

之象

集解

惕懼也

釋文

象旨決錄引懼也

九五飛龍在天

五於三才爲天道天者清明无形而龍在



焉飛之象也

集解

上九亢龍有悔

堯之末年四凶在朝是以有悔未大凶也

正義

用九見羣龍无首吉

象旨決錄云吳仁傑占易貴直易也乾坤二用

明覆畫六書而繫以辭無二用九六等爻名以爲自康成始

六郎顗傳注

爻皆體乾

班固傳注乾作龍王氏本亦作龍

羣龍之象也

班固傳注引象上無之字舜

既受禪

班固傳注引無此四字

禹與稷契

周易注

二

咎繇之屬

班固傳注引禹上有謂字

竝在於

引郎顗傳注無於字

朝

後漢書郎顗傳注

班固傳注

彖曰

呂氏古易旨訓曰鄭康成合彖象於經故加彖曰象曰以別之諸卦皆然朱震

說亦同

孔子十翼上彖下象上象下象上繫下繫

文言說卦雜卦也

正義序

萬物資始乃統天

資取也統本也

釋文

六位時成

謂陰陽六爻上下耳 公羊隱公元年

乾道變化

謂先有舊形漸漸改者謂之變雖有舊形  
忽改者謂之化及本無舊形非類而改亦  
謂之化 禮記月令正義

象曰 音訓

大人造也 釋文造鄭徂早反

造爲也 釋文

坤

初六履霜堅冰至

讀履爲禮

釋文

馴致其道

馴音訓

釋文云徐音訓此依鄭義姚士粦跋引釋文馴從也爲鄭注惠本用

之孔廣林本亦用之案釋文馴似遵反向秀云從也又曰徐音訓此依鄭義謂徐仙民音馴爲訓是依鄭義史記五帝本紀龍明馴德徐廣曰馴古訓字又五帝本紀百姓不親五品不馴周官地官司徒注教民以親百姓訓五品此鄭以馴爲訓之證

六二直方

直也方也地之性此爻得中氣而在地土

自然之性廣生萬物故生動直而且方禮記  
深衣正義

大

坤爻辭履霜直方含章括囊黃裳玄黃協  
韻故象傳文言皆不釋大疑大字衍元熊朋來  
五經說引鄭氏古易

六五黃裳元吉

如舜試天子周公攝政隋書李德林傳

龍戰于野

聖人喻龍君子喻蛇

儀禮鄉射禮疏  
禮圖弓矢

三

屯

天造草昧宜建侯而不寧

造成也草草創昧昧爽也

文選任彥昇天  
監二年策秀才

文注又讓吏部封侯第一表  
注引無首三字上昧字作也讀而曰能

猶安也

釋文

君子以經綸

釋文論音倫鄭如字  
立以綸為淪字案淪是論之譌

正義鄭

論謂論撰書禮樂施政事

釋文

乘馬般如

釋文班鄭本作般

馬牝牡曰乘

釋文

何楷占周易訂詁一

謂馬牝為乘則乘當讀如百乘千乘之乘

匪寇昏毒

釋文

毒猶會

釋文正義會下有也字

君子機不如舍

釋文幾鄭作機

彖旨決錄

機弩牙也

釋文

以從禽也

釋文從鄭子用反

蒙

蒙幼小之貌齊人謂萌為蒙也

集解周易訂詁一

亨匪我求童蒙童蒙求我初筮告再三瀆  
瀆則不告利貞

童未冠之稱筮問瀆藝也

釋文

蒙者蒙蒙物

初生形是其未開著之名也人幼稚曰童  
亨者陽也互體震而得中嘉會禮通陽自  
動其中德於

王氏本作施

地道之上萬物應之

而萌芽上教授之師取象焉脩道藝於其  
室而童蒙者求爲之弟子非己乎求之也  
弟子初問則告之以車義不如其三問也



况以反解而者此勤解功安與若之

災也瀆則不復告欲令思而得之以

以利當義而幹事也公羊定十疏

初六用說桎桎

木在足曰桎在手曰梏周禮大司寇疏

九二苞蒙釋文

苞當作彪彪文也釋文古周易訂詁案此用京氏易

順以巽也

巽當作遜釋文古周易訂詁九

周易注

九繫蒙

釋文擊鄭作繫

古周易訂詁一

需

需讀為秀陽氣秀而不直前者畏上坎也

釋文

古周易訂詁一

亨光亨貞吉

鄭文光亨貞吉鄭總為一句

位乎大位

釋文位乎之位鄭音泣

古周易

君子以飲食宴樂

宴享宴也

釋文

需于沚

釋文

沙接水者

詩鳧鷖正義 惠氏九經古義云沙當作汔與沙同說文譚長

說沙或作汔从止案作汔是

致戎至

釋文寇鄭本作戎

訟

辯財曰訟

釋文也

董氏會通引作訟辯財

有孚啞

釋文窒馬作啞案鄭注本與馬同

啞覺悔貌

釋文

歸而逋其邑人三百戶无眚

小國之下大夫采地方一成其定稅三百

周易注

七

家已上又見禮記坊記正義故三百戶也禮記雜記正義不易

之田歲種之一易之田休一歲乃種再易

之田王氏本作地休二歲乃種言至薄也苟自

藏隱不敢與五相敵則无眚災正義王氏本

作災眚適也釋文

患至愒也釋文按鄭本作愒陟劣反

愒憂也釋文

渝安貞

渝然也釋文

或錫之鑿帶

鑿帶佩鑿之帶

周禮巾車疏

終朝三拊之

釋文襍鄭本作拊徒可反

三拊三加之也

項安世周易玩辭

惠氏

三襍之說文云襍奪衣也讀若池鄭康成  
本作三拊之音徒可反案淮南人間訓云  
秦牛缺遇盜拊其衣被高誘曰拊奪也是  
拊與襍字異而義同晁以道讀爲拖紳之  
拖楊奐以爲終朝三拊之以誇於人真小  
兒強解事也拖紳之拖本作襍見說文今  
案弘惠言謂項平庵所引三加之訓似非  
鄭原文與惠說合

師

軍二千五百人爲師周禮夏官序官疏多以軍爲

名次以師爲名少以旅爲名師者舉中之

言詩棧棧正義夏官序官疏云天子六軍兵眾之名移矣正言師者出兵而多

以軍爲名次以師名少旅爲名言眾舉中言之也

貞丈人吉无咎

丈之言長周禮天府疏丈人能以法度長於人

釋文呂氏音訓董氏會通詩甫能田正義云言以禮法長於人可倚仗也能

御眾本無此字有朝當作幹王氏本無此字正

人之德以法度爲人之長吉而无咎謂天

子諸侯主軍者周禮天府疏云丈之言長也以法度  
爲人之長故百无咎謂天子諸侯而主軍  
軍將皆命卿案此條及上一條所引周  
禮夏官序官疏本合爲一王氏止引軍二  
千五百人爲師八字原文此八字下接書  
丈之言長也至命卿又接書天子六軍至  
舉中言之也止丁小雅謂此疏脫去注云  
二字自軍二千五百人爲師以下皆鄭注  
是也此與詩甫田正義所引皆經注連書  
故丁氏謂脫注云二字

否臧凶釋文否鄭方有反

王三賜命釋文錫鄭本作賜案古本錫字

圭璜馬融本錫作賜禹貢錫上姓史記作賜  
土姓左氏春秋經王使毛伯衛來錫公命唐

石經作來賜

承天寵也

龍光耀也

釋文耀舊作耀今據盧攷證改

比

先王以建萬國親諸侯

親諸侯使諸侯相親遞相朝聘

周禮彤方氏疏案

使諸侯相親五字又見大司馬疏不云鄭注

有孚盈缶

爻辰在未上值東井井之水人所汲用缶



缶汲器

詩宛丘正義  
字下有也字

釋文引缶汲器三

王用三鬴失前禽

釋文徐云驅鄭作鬴

王因天下顯習兵于蒐狩焉

左傳桓四年正義引作王

者習兵驅禽而射之三則已發

左傳正義作法軍

禮也

也字依左傳正義增

失前禽者謂禽在前來者

不逆而射之

之字依左傳正義增

旁去又不射惟背

左傳正義作其

走者順而射之不中亦

左傳正義作則已

是皆

左傳正義作其

所以

以字依左傳正義增

用兵之法亦如之降者不殺奔者不禁

左傳正義作禦此句左傳正義作加此背敵不殺皆為敵不敵已依左傳正義增以仁恩養威之道周禮士師疏正義左傳桓四年正義

小畜

釋文畜鄭許六反

畜養也

釋文

密雲不雨自我西郊

密靜也雲靜止不雨喻紂恩澤不加於民也不雨之災自其君也西郊亦謂文王也  
御覽天部雲

九三輿說輓

輓伏菟

釋文

謂輿下縛木與軸相連鉤心之

木

上九象傳正義

履

不噬人亨

文選西征賦李注云鄭注本噬為噬音誓

噬齧也

文選同上

上九視履考詳

釋文祥木亦作詳案與鄭注同

履道之終考正詳備

晁氏

泰

泰通也

釋文

后以財成天地之道輔相天地之宜以左右民

財節也輔相左右助也以者取其順陰陽之節爲出內之政春崇寬仁夏以長養秋教收斂冬救蓋藏皆可以成物助民也

集解

拔茅茹以其黃征

釋文茅鄭音茹鄭作黃

音訓彙

黃勤也

釋文彙古文作黃董作黃出也鄭云勤也音訓彙董遇作黃出也

鄭作黃勤也會通引音訓董遇作黃餘同此注王氏本引作彙類也茹牽引也茅

喻君有絜白之德臣下引其類而仕之係  
據漢書劉向傳注案釋文如汝據反牽引  
也彙音胃類也並是劉向傳注所引鄭義  
乃不稱鄭而於董作黃出也下引鄭勤也  
一訓可知鄭本實亦作黃其漢書注所引  
鄭氏乃別一注漢書者非鄭君也王氏誤  
引惠本仍之孫堂校本並謂音訓引釋文  
有誤不察甚矣

苞荒

荒讀爲康虛也

釋文康大也

晁氏云荒鄭讀爲

六五帝乙歸妹以祉元吉

五爻辰在卯春爲陽中萬物以生生育者

嫁娶之貴仲冬之月嫁娶男女之禮福祿

大吉

周禮媒氏疏案通典嘉禮四嫁娶時月議引張融曰易泰卦六五帝乙

歸妹以祉元吉舊說五爻辰在卯春為陽中萬物生育嫁娶大吉也即為舉此注文

城復于隍

隍壑也

詩韓奕正義

否

曷離祉

釋文曷鄭作古曷字案說文古曷

曷別作曷此曷字唯注義偏有之或原有

此字為曷之或體後乃逸去未可知也爾雅

釋詁曷孰誰也郭注即引易此句為證可見

郭義本訓為誰字不作曷釋文所云古曷字

疑是曷字之誤

休否

休美也

文選謝靈運還舊園作贈顏范二  
中書詩注

其亡其亡繫于苞桑

苞植也否世之人不知聖人有命咸曰其  
將亡矣其將亡矣而聖乃自繫於植桑不

亡也

文選曹元首  
六代論注

猶紂囚文王於羑里之

獄四臣獻珍異之物而終免於難繫于苞

桑之謂

同人

同人于野亨

乾爲天離爲火卦體有巽巽爲風天在上  
火炎上而從之是其性同於天也火得風  
然後炎上益熾是猶人君在上施政教使  
天下之人和同而事之以是

義海撮要

作事爲人

和同者君之所爲也故謂之同人風行无  
所不徧徧則會通之德大行故曰同人于

野亨

集解

義海撮要二

周易窺餘引

風行至末大行作无所不行

六二同人于宗



天子諸侯后夫人無子不出

儀禮上昏禮疏禮記內

則正義

詩河廣正義引無無子二字

九三伏戎于莽升其高陟

莽叢木也

釋文

大旱曰陵

丙子學易編

九四乘其庸

釋文

壙鄭作庸

古周易訂詁

大有

大有元亨

六五體離處乾之上猶大臣有聖明之德

代君為政處其位有其事而理之也元亨

者又能長羣臣以善使嘉會禮通若周公

攝政朝諸侯於明堂是也

集解要二

義海撮

君子以遏惡揚善順天休命

命所受天命也

文選曹子建贈白馬王彪詩注丁小雅曰此注或

言在窮理盡性以至於命下或曰當在樂天知命句下案丁說非或有附此注於師上六大君有命下或附於否九四有命下亦非孔廣林本附於正位疑命下

明辨遷也

釋文哲鄭本作遷二

古周易訂詁

遷讀如明星哲哲

釋文

古周易訂詁三

謙

謙亨君子有終

艮爲山坤爲地山體高今在地下其於人

道高能下下謙之象亨者嘉會之禮以謙

而王氏本無而字爲主謙者自貶損以下人惟艮

之堅固坤之厚順乃能終之故君子之人

有終也集解周易義海撮要二引山體

之堅固坤之厚順乃能終之

君子以撝多益寡釋文哀鄭本作撝義海

撝取也釋文漢上易傳義海撮要二

案撝唐石經作褒今本作哀爾

雅釋詁文聚也彼釋文云哀蒲侯反本或作桴玉篇去桴步溝切詩云原隰桴矣桴聚也今詩亦作哀鄭荀諸家訓桴爲取者說文云桴引取也玉篇引說文作引聚也漢書五行志取不達茲謂不知顏師古注云取讀爲聚易萃卦聚以正也荀本聚作取取字通桴亦有二訓也

卑以自牧也

牧養也

文選潘安仁閒居賦注案此注不見釋文惠氏本引釋文誤

撝謙

撝讀爲宣

豫

豫利建侯行師

坤順也震動也順其性而動者莫不得解

本此下疊得字其所故謂之豫豫喜豫說

樂之貌也震又為雷諸侯之象坤又為眾

師役之象故利建侯行師矣集解王氏本無矣字義

海撮要二引其所下即接雲為雷諸侯之象

象坤為眾師役之象豫喜逸悅樂之貌七字在末無故利建侯七字古周易訂詁

二引震為雷至末無二又字易纂言引

而四時不忒

貳差也

釋文

象曰雷出地奮豫先王以作樂崇德殷薦之

上帝以配祖考

奮動也雷動於地上而萬物乃豫也

又以見

詩殷其雷正義無乃字

以者取其喜佚動搖猶人至

樂則手欲鼓之足欲舞之也崇充也殷盛

也薦進也上帝天也

自以者至此亦見文苑英華七百六十二

天也作天帝也

舊

唐書儀禮志亦有

王

上帝天帝也五字集解天下脫帝字者功成作樂以文得之者作籥舞以武德

之者作萬舞各充其德而為制祀天帝以配祖考者使與天同饗其功也故孝經云郊祀后稷以配天宗祀文王於明堂以配

上帝是也

集解義海撮要二引萬物乃逸豫也下即接王者功成作樂

至末祖考下無者使二字云作曰文王下無於明堂三字又後漢書郎顗傳注云殷盛也薦進也上帝天帝也靈動於地萬物喜天地解而靈雨作靈雨作而百果草木皆甲折也雖不云鄭注亦依約鄭義而言

六二 斫於石

釋文古文作斫鄭古八反

斫謂磨斫也

釋文古周易訂詁二

六三盱豫

盱誇也

釋文

九四由豫大有得勿疑朋盍簪

由用也簪速也

釋文

上六冥豫

冥讀爲鳴

釋文

隨

隨元亨利貞无咎

震動也兌說也內動之以

左傳正義作爲德外說



之以言則天下之民

集解作人

咸

正義無咸

慕其行

而隨從之故謂之隨也

左傳襄九年正義引止此

既見

隨從能長之以善通其嘉禮和之以義幹

之以正則功成而有福若无此四德則有

凶咎焉焦贛曰漢高帝與項籍其明徵也

集解焦贛以下王刪孫堂本從惠氏補

案義海撮要二引震動也至凶咎焉無故

謂之隨也五字若无此四德作无此四者

此條下注康成二字又一條引漢高祖項

羽其明驗也下注焦字焦謂焦贛惠氏從

集解合而為一王依義海撮要故不載

君子以嚮晦入宴息

晦宴也猶人君既夕之後入於宴寢而止

息正義案注晦宴也宴字當從七經孟子考文宋本作冥爾雅釋言云晦冥也

公羊傳十五年傳成十六年傳並云晦者

何冥也穀梁傳十五年傳義同又說文云

夕者冥也鄭下注云既夕之後與諸書合

今作宴者因字形相近而訛

出門交有功

震爲大塗又爲日門當春分陰陽之所交

也是臣出君門與四方賢人交有成功之

象也昔舜慎徽五典五典克從納於百揆

白揆時序賓於四門四門穆穆是其義也

蠱

集解 古周易訂詁三引震為大塗至成  
功之象 象旨決錄引震為日門

蠱事也 後漢書譙玄傳注

先甲三日後甲三日

甲者宣令之日先之三日而用辛也欲取  
改新之義後之三日而用丁也取其丁寧

之義 正義序云鄭氏之說 甲者造作新令之日甲前

三日取改過自新故用辛也甲後三日取

丁寧之義故用丁也

正義云鄭義古周易訂詁三象旨決

周易注

云鄭玄以先為造化新令之日先三日  
辛取自新後三日日用丁取丁寧

初六幹父之蠱有子考无咎厲終吉象曰幹  
父之蠱意承考也

子改父道始雖勞仲氏易而終則吉蓋其

事若不順而其意則在於承其

父何氏易作而也董氏會通案此條及

康步云云今案鼎象曰注見集解離爻辭

成說惟此條無所在毛太史仲氏易  
作鄭元或別有據

上九不事王侯高尚其事

上九艮爻艮爲山辰在戌得乾氣父老之象是臣之致事也故不事王侯是不得事

君君猶高尚其所爲之事

禮表記正義古周易訂詁三

引至致事也

案表記正義不云注文以爻辰證之其爲鄭注無疑易漢學以此條爲鄭注

元亨利貞至於八月有凶

臨大也陽氣自此浸而長大陽浸長矣而

有四德齊功於乾盛之極也人之情盛則

奢淫奢淫則王氏本無則字將亡故戒以凶也集今

解凶下無也字臨卦斗建丑而用事殷之

正月也臨卦以下十三字又當文王之時

紂為无道故於是卦為殷家著興衰之戒

以見周改殷正之數云魏濬易義古象通云鄭康成謂是周

改殷正之兆臨自周二月用事訖其七月至八

月而遯卦受之此終而復始王命然矣集解

八月為遯漢上易卦圖下鄭玄能氏象旨云

觀

覲盥而不薦

坤爲地爲眾巽爲木爲風九五天子之爻  
互體有艮艮爲鬼門又爲宮闕地上有木  
而爲鬼門宮闕者天子宗廟之象也

集解周

易窺餘引互體有艮至宗廟之象

諸侯貢士於天子卿大

夫貢士於其君必以禮賓之唯主人盥而  
獻賓賓盥而酢主人設薦俎則弟子也

禮儀

鄉飲酒疏

古周易訂詁三

周易窺餘

引諸侯至弟子也無必字俎字

民國甲戌

周易注

三 江都朱氏

初六童觀

童稚也

釋文

周易窺餘

噬嗑

先王以明罰勅法

勅猶理也一云整也

釋文

六經正誤鄭

六三噬腊肉

小物全乾曰腊

李富孫易解臘義

案周

禮天官腊人掌乾肉注腊  
小物全乾疏並不云是易注易釋文引此  
明云鄭注周禮須分別觀之不可直以為  
易注



九四噬乾肺

肺簣也

釋文據注疑鄭本肺作第

上九何校滅耳

離爲槁木坎爲耳木在耳上何校滅耳之

象也

集解

周易窺餘

古周易訂詁三

象旨決錄引互坎爲耳離爲槁木

木在耳上也

臣從君坐之刑

書康誥正義

聰不明也

目不明耳不聰

釋文

賁

民國甲戌

周易注

三三江都朱氏

賁亨 小利有攸往

補刊

賁變也文飾之貌

文釋

賁文飾也離爲日天

文也艮爲石地文也天文在下地文在上

天地二文相飾成賁者也猶人君以剛柔

仁義之道飾成其德也剛柔雜仁義合然

後嘉會禮通故亨也卦互體坎艮艮止於

上坎險於下夾震在中故不利大行小有

所之則可矣

集解

詩白駒正義引離爲

文在上下云天地之

文交相而成賁賁然也

義海撮要三引

離爲日天文也艮爲石地文也猶人君以

仁義之道飾其德

无敢折獄

折斷也 釋文斷音丁亂反

賁其趾

趾足 釋文

舍輿而徒 釋文車鄭本作輿

義不乘也 晁氏弗鄭作不

六四賁如皤如 今本釋文皤鄭作皤音煩此

音又引蔡邕述行賦榮馬皤而不進句爲證  
案注文進退未定卽皤字之訓今作皤者因

字形相近而訛

六四巽爻也有應於初九欲自飾以適初

既進退未定故蹢躅

當作蹢躅

如也

禮記檀弓正義

白馬翰如

釋文翰鄭亦作寒案反

翰白也

釋文

白馬翰如謂九三位在辰得巽

氣為白馬翰猶幹也見六四適初未定欲

幹而有之

禮記檀弓正義

案王氏本引

訓翰為白今盧雅雨堂刊本依禮正義改

白為幹他本皆依宋本作白盧刊本為惠

氏手定故惠氏本止引禮正義不及釋文

孫堂及丁張諸家唯輯更不詳考釋文原

文之謂本有誤蓋本如此字鄭本有兩  
訓也今案原文於鄭云白也下有亦作寒  
案反五字寒案為禮正義訓幹之音而次  
白也之後加亦作二字則訓白之音鄭不  
讀為寒案可知是鄭以白為正訓幹為旁  
訓也本條列釋文於禮正義前即本此義  
匪完云今作媾此據屯六二釋文

剝

陰氣侵陽上至於五萬物需落故謂之剝  
也集解 漢上易傳引萬物零落謂之剝  
七字零不作需

不利有攸往小人長也

五陰一陽小人極盛君子不可有所之故

不利有攸往也 集解

蔑貞凶

蔑輕慢

釋文

剝牀以辨

釋文辨鄭符勉反

足上稱辨

釋文引作謂近膝之下訕 王氏本作

屈則相近信

王氏本則相遠故謂之辨辨

分也

集解謂字

漢上易傳引此注稱辨下無

切近裁也

切急也

釋文

小人剝廬

小人傲很當剝徹廬舍而去

周禮遺人疏

復

復反也還也陰氣侵陽陽失其位至此始  
還反起於初故謂之復陽君象君失國而  
還反道德更興也

左傳襄二十八年正義

七日來復

易緯之說建戌之月以陽氣既盡建亥之  
月純陰用事至建子之月陽氣始生隔此

純陰一卦卦主六日七分舉其成數言之

而云七日來復

正義序

羣書考索續集

商旅不行

資貨而行曰商旅客也

釋文

无祇悔

祇病也

釋文

輦復

釋文云頻如字本亦作頻鄭作輦音同  
晁氏云輦鄭作卑案王氏本正作卑

卑古文輦字

六四中行獨復



爻處五陰之中度中而行四獨應初

漢上易傳

中以自考也

考成也

釋文

有裁害

釋文灾鄭作裁

異自內生曰眚自外曰祥害物曰災

當作裁

釋文

无妄

妄猶望謂无所希望也

釋文

无妄之往何之矣

妄之言望人所望宜正行必有所望行而無所望是失其正何可往也

後漢書李通傳論注

天命不佑

佑助也

釋文

不畱畬

田

王氏本一無田字

一歲曰菑二歲曰新田三歲曰

畬

詩采芑正義

爾雅釋地疏

大畜

不家食吉養賢也

自九三至上九有頤象居外是不家食吉

而養賢

禮記表記正義

王氏本無吉字

輝光日新

古周易訂詁七鄭玄如此讀

其德剛上而尚賢

釋文鄭以日新絕句其德連下句

象旨決

良馬逐逐

良馬逐逐釋文鄭本作逐逐

案顏

逐逐兩馬走也

釋文案王氏王海本經注連書良馬逐逐兩馬走

也胡孝轅本分之以上逐為經文下逐為注文惠氏從之故注止一逐字今增

日閑輿衛

釋文日鄭人實反

周易窺餘

閑習日習車徒

釋文

六四童牛之牯

晁氏謂牯鄭作角非也

古

俱作告鄭玄本作牯

牛在手曰牯牛無手以前足當之

周禮天官內饗

疏

牯者牛雖無手謂牯前足也

左傳莊公三十年疏

異為木互體震震為牛之足足在艮體之

中艮為手持木以就足是施牯

周禮秋官司寇疏

案劉歆曰牯之言角案牯為牛馬牢非

角也九家作告說文引僮牛之告告者牛

觸人角著橫木所以告也从口从牛鄭本

作牯謂施牯於前足是也鄭志冷剛問蒙

初六注木在足曰桎在手曰牯今大畜六

四施牯於足不審桎牯手足定有別否答

曰牛無手以前足當之釋名牛羊之無角者曰童大元童牛角馬明童牛者無角之稱謂作角者蓋誤以下文積豕之牙牙作牙齒解故以此為童牛之角以角與牙對舉而不知其誤也

# 六五積豕之牙

牙讀為互

釋文案古周易訂詁三引爾雅云豕子豬積豕之牙也陸

農師云牙者所以畜積豕之杙也今海岱之間以杙繫豕謂之牙變異為純繫之象巽木杙之象所以言積豕者坎為純繫之象上九坎體半見故但稱積豕也童牛積豕是為對牛牯豕牙又是的對此解可與牙讀為互互相證明考周禮地官牛人凡祭祀供其牛牲之互注互者福衡之屬又秋官修閭氏掌比國中宿互櫟者注互謂行

馬所以障互禁止人也二義均  
是畜豕之  
牝切證案牙當作牙牙即互字  
唐韻正周  
禮牛人共牛牲之互徐音牙可  
據中山詩  
話云古稱駟儉今謂牙非也劉  
道原云本  
稱互郎主互市唐人書互為牙  
牙似牙字  
因訛為牙耳然則古本易經當  
是豕豕之  
牙後人傳寫誤作牙字豕豕之  
牙與上文  
童牛牛之牲正是一義舊解作  
牙齒之牙  
又謂豕去勢曰豕誤矣

上九何天之衢何後漢書注文選注引皆作荷古通字

艮為手手上肩也乾為首首肩之間荷物

建乾為天艮為徑乾天衢象也後漢書崔駰傳上

象旨決錄康成指曰有上乾自下為肩  
建乾為天象艮為徑路天衢也

道大行也

人君在上位負荷天之大道

文選靈光賦注

頤

頤貞吉觀頤自求口實

頤中

中當從左正義作者

口車輔之名也震動於下

艮止於上口車動而上

上上當依漢易作止

因輔嚼

物以養人故謂之頤頤養也能行養則其  
幹事故吉矣二五離爻皆得中離爲目觀  
象也觀頤觀其養賢與不肖也頤中有物

曰王氏本口實自二至五有二坤坤載養

物而人所食之物皆存焉觀其求口實之

物則貪廉之情可別也集解左傳襄二

中作頤者頤養也作故謂頤為養也引止

此頤漢上易傳三引頤者口車之名故謂

之頤作故曰頤引止此古周易訂詁

引頤口車輔之名也至故謂之頤周易

親餘引二五皆離爻離為目觀象也周易

義古象通引觀頤至口實

我朵頤

朵多果動也釋文云鄭同案釋文朵京

用京氏旦作揣晁氏引作揣云動也此



大有慶也

君以得人爲慶

漢上易傳三一義海後要

大過

陽爻過也卦四陽二陰陽居用事之地故

曰大過大者過也

漢上易傳三

九二枯楊生萑老夫得其女妻

釋文枯鄭音姑稀鄭作萑

音夷

枯謂無姑山榆萑木更生謂山榆之實

釋文

以丈夫年過娶二十之女老婦年過嫁於

三十之男皆得其子

詩桃夭正義

習坎

六三檢目枕

釋文險鄭本作檢

象旨決鑿

木在手曰檢木在首曰枕

釋文古周易訂詁三象旨

決錄檢鄭云木在手枕鄭云木在首

六四尊酒簋貳用缶

六四亡承九五又互體在震上天子大臣

以王命出會諸侯尊於簋副設玄酒而用

缶也

禮記禮器正義

爻辰在丑丑上值斗可以斟

之象斗上有建星建星之形似簋貳副也

建星上有弁星弁星之形又如缶又古周易訂詁

三引止此無貳副也三字象旨決錄引

四互震上文辰在丑丑上值斗可斟之象

上有建星形似簋天子大臣以王命出會

諸侯主國尊於簋副設玄酒以缶詩陳風宛邱正

義爾雅釋器疏

九五祗既平象旨決錄祗作坻

祗當為坻小邱也釋文古周易訂詁三引鄭玄云當作坻

土六繫用徽纆寘于叢棘三歲不得凶案周禮朝

士注引繫作係周禮釋文寘作示  
訂詁三于鄭玄本作用

古周易

繫拘也爻辰在巳巳爲蛇蛇之蟠屈似微

經也

古周易訂詁三引爻辰在巳至此

三五互體艮又與

震同體艮爲門闕於木爲多節震之所爲

有叢拘之類門闕之內有叢木多節之木

是天子外朝左右九棘之象也朝者所

以詢事之處也左嘉石平罷焉右肺石

達窮民焉罷民邪惡之民六乘陽有

邪惡之罪故縛約微繯寘於叢棘而後公

以下議之

上六已下二事六字又見詩正月正義約亦以後作使

其害人者置之圜土而施職事焉以明刑  
恥之能復者上罪三年而赦中罪二年而  
赦下罪一年而赦不得者不自思以得正  
道終不自改而出圜土者殺故曰公羊  
疏

離

明兩作離大人以繼明照於四方

作起也

釋文

明兩者取君明上下以明德相

承其於天下之事無不見也

文選謝宣遠張子房詩注

明明相繼而起大人重光之象堯舜禹文

武之盛也

漢上易

初九履錯然

釋文錯鄭七各反

六二黃離元吉

離南方之卦離為火土託位焉土色黃火

之子喻子有明德能附麗於其

文選注父無其字

之道文王之子發旦

御覽之作大無旦字

是也

初學記無

此八字文選顏延年燕曲水詩注引止此

慎成其業則吉矣

初學記儲宮部 御覽皇親部太子一  
初學記慎作順則作故矣作也

九三不鼓缶而歌則大耋之嗟  
釋文鼓鄭本作擊無凶字

古周易訂詁三

艮爻也位近丑丑上值弁星弁星似缶又

古周易訂詁詩云坎其擊缶則樂器亦有

缶詩宛邱正義爾雅釋耋年踰七十詩

鄰正義爾雅釋言疏

九四哀如其來如焚如死如弃如釋文哭鄭

禮疏三十六 晁氏鄭作忘云不孝子也又

引京氏易忘如其來如此鄭依京氏作忘字  
三 江都朱氏

震爲長子爻失正又互體兌兌爲附決子  
居明法之家而無正何以自斷其君父不  
志也疑有誤字哀如震之失宜不知其所如又  
爲巽巽爲進退不知所從不孝之罪五刑  
莫大焉得用議貴之辟刑之若如若王氏本作莫  
疑當從王所犯之罪焚如殺其親之刑死如殺  
人之刑也弃如流宥之刑周禮秋官掌戮疏  
六五出涕沱若戚嗟若

自目出曰涕巽爲長沱失也五失位爲憂



戚也兌口嗟若也

漢上易

自目出曰涕人爲

煙所衝則出涕曰沱若以下卦離火衝突

之烈也

董氏會通曰涕

周易窺餘引自目出

麗王公也

釋文離鄭本作麗九

古周易訂詁

王用出征以正邦也

行誅之後致太平

詩周頌譜正義引易注

本附此注於大有象曰君子以遏惡揚善

下經

咸

民國甲戌

周易主

三四江都朱氏

咸亨利貞取女吉

咸感也艮爲山兌爲澤山氣下澤氣上二氣通而相應以生萬物故曰咸也其於人也嘉會禮通和順於義幹事能正三十之男有此三德以下二十之女正而相親說取之則吉也

集解

二氣感應以相與

與猶親也

釋文

初六咸其拇

拇足大指也

釋文

六二咸其腓

腓膊腸也

釋文

周易窺餘

九五咸其脢

脢背脊肉也

釋文

正義

漢上易傳

脊肉

象旨決錄脢鄭謂脊肉

晁氏易作夾

勝口說也

正義勝鄭玄作勝

案勝勝通用

篇勝觚下

賓注勝送也今文作勝儀禮燕及大射

大夫篇衆人

勝差者注云勝當作勝

勝送也

此句又見釋文

義

最

咸道極

周易注

三

薄徒送口舌言語相感而已不復有志於

其間

正義

恒

恒亨无咎利貞

恒久也巽爲風震爲雷雷風相須而養物  
猶長女承長男夫婦同心而成家久長之  
道也夫婦以嘉會禮通故无咎其能和順  
幹事所行而善矣

集解

初六濬恒

釋文浚鄭作濬

案晁氏曰濬古

文浚篆文玉篇云濬深也同浚古

文作濬

九三不恒其德咸承之羞釋文或鄭本作咸云以論語證之非案蓋傳寫之誤

爻得正互體為乾乾有剛健之德體在巽

禮記緇衣正義案正義不稱鄭注以下

文與馬廖傳注所引同則此十六字或

亦鄭注巽為進退不恒其德之象禮記正義作是

原文

不恒其德也又互體兌兌為毀折後或王氏本

禮記正義有羞辱也禮記緇衣正義

後或作是將

後漢書馬廖傳注

六五恒其德貞婦人吉夫子凶

以陰爻而處尊位是天子之女又互體兌  
兌為和說至尊主家之女以和說幹其家  
事問正於人故為吉也應在九二又男子  
之象體在巽巽為進退是無所定而婦言  
是從故云夫子凶也

禮記緇衣正義

上六振恒

振搖落也

釋文 古周易訂詁

遯

遯亨小利貞

遯逃去之名

首句又見釋文

也艮爲門闕乾有健

德互體有巽巽爲進退君子出門行有進

退逃去之象

又見古周易訂詁四互體作于體誤

二五得位

而有應是用正道得禮見召聘始仕它國

漢上傳引正道見聘始仕它國八字

當尙謙謙小其和順之

道居小官幹小事其進以漸則遠妬忌之

害昔陳敬仲奔齊辭卿是也

集解義海撮要四引敬

仲奔齊八字

周易窺餘引艮爲門闕互巽爲進退君子出門行有進退遯去之象

象旨決錄云康成以敬仲辭卿當之

剛當位而應與時行也

正道見聘始仕他國亦遜而復亨也

漢上易

有疾憊也

憊困也

釋文

小人否

釋文否鄭備鄙反

否塞也

釋文

大壯

壯氣力浸強之名

釋文

古周易訂詁四

九三纍其角

釋文羸鄭作纍

古周易訂詁四陳士元易象鉤解鄭玄羸



作繫謂鵜繫其角也

六五喪羊于易

釋文易鄭音亦

古周易訂

易謂狡

王氏本

易也

釋文

不祥也

釋文詳鄭作祥

古周易訂詁十

祥善也

釋文

古周易訂詁十

晉

晉康侯用錫馬蕃庶晝日三接

釋文蕃鄭發

奢反接鄭音捷

音訓云庶鄭讀爲遮

康尊也廣也蕃庶謂蕃遮禽也接勝也

釋文

末三字又引見集韻羣經音辨案禮內則注接讀為捷捷勝也與此訓合春秋左氏莊十二年經宋萬弑其君捷公羊穀梁捷字皆作接是接與捷古通

象曰明出地上晉君子以自昭明德

地雖生萬物日出於上其功乃著故君子

法之而以明自照其德

集解

初六晉如摧如

摧讀如南山崔崔之崔

釋文 象 摧退也 旨決錄

集韻

六二晉如愁如

釋文 愁鄭子小反

愁變色貌

釋文

九四晉如碩鼠

易纂言

象旨決錄

鄭作

作碩鼠惠氏本經及注俱作鼯鼠據詩魏風碩鼠篇箋同序義訓碩鼠為大與此條正義引鄭注合則不當作鼯鼠矣

詩云碩鼠碩鼠無食我黍謂大鼠也

正義

六五矢得勿恤

釋文失鄭本作矢訂詁四象旨決錄

古周易

明夷

明夷利艱貞

夷傷也日出地上

漢上傳出作在

其明乃光至其

入地

漢上傳

王明則

漢上傳

傷矣

漢上傳引

此十

故謂之明夷日之明傷猶聖人君子

有明德而遭亂世抑在下位則宜自艱无

幹事政以避小人之害也

集解義海撮要四引入地作

入也謂之作日無日之明傷四字末無之

害也三字

以蒙大難

蒙猶遭也一云蒙冒也

釋文

文王似之

釋文以之鄭作似之下亦然古

者夫人嬰兒皆以君如淳曰以或作似史記作夫人嬰兒皆似君

箕子似之

釋文 古周易訂詁八

六二明夷睇於左股用拯馬

釋文則注

禮記內

旁視爲睇

釋文引此句爲作曰易訂詁四引此四字亦作曰

古周六

二辰在酉酉在

王氏本作是

西方又下體離離

爲目九三體在震震東方九三又在辰辰

得巽氣爲股

古周易訂詁四引九三至爲象旨決錄引鄭以夷作

睇曰二辰在酉酉是西方下體離爲目此互體在震東方又在辰得巽氣爲股此

謂六二有明德欲承九三故云睇於左股

禮記內

拯承也

釋文

則正義

周易上

家人

閑有家

閑習也

釋文

六二无攸遂在中饋

二爲陰爻得正於內五陽爻也得正於外

猶婦人自脩正於內丈夫脩正於外无攸

遂言婦人无敢自遂也爻體離又互體坎

火位在下水在上飪之象也饋食也

後漢書王

符傳注引此句

故云在中饋也

後漢書楊震傳注

九三家人嗃嗃

晁氏易云嗃嗃鄭作稿稿案釋文劉作煇煇

嗃嗃苦熱之意

釋文

古周易訂詁四

婦子嘻嘻

嘻嘻驕佚喜笑之意

釋文

九五王假有家

王氏家作廟

假登也

釋文

睽

釋文睽鄭音圭

睽小事吉

睽乖也火欲上澤欲下猶人同居而異志

王氏本也故謂之睽二五相應君陰臣陽

君而應臣故小事吉集解義海撮要四引無首三字及故謂

其牛犂

釋文云鄭作犂犂犂犂同見爾雅上易四云鄭作

牛角皆踊曰犂

釋文云漢上傳引此注云犂犂牛角踊也古周易訂

詁四鄭之本作犂云牛角皆踊曰犂

後說之壺

釋文孤鄭作壺古周易訂詁四象旨決錄鄭作壺謂三五離火

腹似壺其引京說亦云此鄭依京氏易作壺

蹇



往得中也

中和也

釋文說文同

象旨決錄六鄭訓作和與

宜待時也

釋文十鄭玄本

漢上易傳

古周易訂詁

錄待下鄭本以有時字者是

象旨決

六四往蹇來連

釋文連鄭加字

連遲九之意

釋文

正義

解

雷雨作而百果草木皆甲宅

文選注四上周易訂詁八

鄭作宇

木實曰果皆讀如人倦之無解謂圻呼皮  
曰甲根曰宅宅居也文選左太冲蜀都賦李注又云呼火亞切  
古周易訂詁八引甲根二句

損

艮爲山兌爲澤互體坤坤爲地山在地上  
澤在地下澤以自損增山之高也猶諸侯  
損其國之富以貢獻於天子故謂之損矣

集解 義疏要四引之高下無也字無末五字

一 簋可用亨

四以簋進黍稷於神也初與二直其四與  
五承上故用二簋四巽爻也巽為木五離  
爻也離為日日體圓木器而圓簋象也禮周  
冬官旗人疏又地官舍人疏云離為日日  
圓巽為木木器圓簋象詩權輿正義引  
同舍人注日圓作日體圓儀禮少牢疏  
引離為日日圓巽為木木器簋象知所云  
亦鄭義也

君子以徵忿懣欲釋文室鄭作憤殿板考  
證七云懣釋文本作徵  
彙注義徵當作徵

徵猶清也憤止也釋文古周易訂詁十

六五或益之十朋之龜

案爾雅云十朋之龜者一曰神龜二曰靈

龜三曰攝龜四曰寶龜五曰文龜六曰筮

龜七曰山龜八曰澤龜九曰水龜十曰火

龜

正義爾雅釋魚疏無十朋之龜者五字

禮記禮器正義

益

益利有攸往利涉大川

陰陽之義陽稱爲君陰稱爲臣今震一陽  
二陰臣多於君矣而四體巽之下應初是

天子損其所有以下諸侯也人君之道以  
益下爲德故謂之益也震爲雷巽爲風雷  
動風行二者相成猶人君出教令臣奉行  
之故利有攸往坎爲大川故王氏本無利  
涉大川矣集解 義海撮要四引陽爲君  
矣字四下無體字人君下無之道二字故  
謂之益下即接雷動風行猶人君出教令  
故利有攸往下無坎爲大川故五字無末  
矣字

夬

夫揚於王庭

夬決也陽氣浸長至於五五尊位也而陰  
先之是猶聖人積德說天下以漸消去小  
人至於受命爲天子故謂之夬揚越也五  
互體乾乾爲君又居尊位王庭之象也陰  
爻越其上小人乘君子罪惡上聞於聖人  
之朝故曰夬揚於王庭也

集解

九二惕號莫夜

釋文號鄭音号莫夜鄭如字

莫无也无夜非一夜

釋文

九三壯於頄

釋文頄鄭作頄

漢上易傳

頰夾面也

釋文 古周易訂詁五

其行赳赳

釋文次鄭作赳同七 案姚士粦跋云次且

作赳赳卻行不前也卻行不前乃馬注姚誤引之

九五覓陸

周易窺餘馬鄭皆以商陸為覓陸

覓陸商陸也

釋文覓陸一名商陸

正義明書二

邁

釋文姤薛云古文作邁鄭同 按襍卦傳石經亦作邁

古周易訂

邁女壯勿用取女

姤遇也 陰承五陽一女當五男苟相遇

耳非禮之正故謂之姤女壯如是壯健似

淫故不敢取婦人以婉婉為其德也

案解家

旨決錄引一女當五男

后以施命詰四方

釋文詰鄭作詰起一反占周易訂詰十

詰正也

釋文正舊作止今據盧衷證改

羸

釋文云鄭力追反晁氏易云鄭作羸

豕孚蹢躅

包有魚

釋文包鄭百交反

以杞包瓜

釋文包鄭各交反晁氏易云鄭

杞柳也

釋文

萃



萃

今本下有亨字

釋文云鄭無此字

古

周易訂詁五

象旨決錄云鄭作衍文

王假有廟利見大人亨利貞用大牲吉利有攸往

萃聚也坤為順兌為說臣下以順道承事

其君說德居上待之上下相應有事而和

通故曰萃亨也

據此注似鄭本亦云萃亨然釋文云馬鄭陸虞等並

無亨字丁杰云或是釋文誤衍鄭字

假至也互有艮巽巽氏

本巽字

為木艮為闕木在闕上宮室之象

也四本震爻震為長子五本坎爻坎為隱

伏居尊而隱伏鬼神之象長子入闕升堂  
祭祖禰之禮也故曰王假有廟二本離爻  
也離爲日居正應五故利見大人矣大牲  
牛也言大人有嘉會時可幹事必殺牛而  
王氏本盟旣盟則可以往王氏本故曰利  
而作以往集解周易窺餘引互體有艮巽艮爲  
子入闕升堂祭祖禰之象四本震爻爲長  
互有艮巽巽木在艮闕之上宮室之象  
君子以除戎器  
除去也釋文

若號

釋文云鄭戶羔反  
晁氏云號鄭為號咷

一握為笑

握當讀為夫三為屋之屋

釋文聞一

困學紀  
象旨決

錄鄭氏讀握曰屋夫三為屋指  
三陰案指三陰是熊氏語義

握小兒

集韻

孚乃利用禴

禴夏祭名

釋文

齋咨涕洟

齋咨嗟歎之辭也自目曰涕自鼻曰洟

釋文

昇

釋文

古周易訂詁五升鄭玄本作昇

升上也坤地巽木木生地中日長而上猶

聖人在諸侯之中明德日益高大也故謂

之升昇進益之象也

集解 古周易訂詁

謂之升 義海撮要五引木生地中至故於上故謂之升

君子以順德積小以成高大

禮記中庸疏引

王用亨於岐山

釋文亨鄭許兩反

亨獻也

釋文

順事也

事之以牛羊

詩緝正義說太王事引不知所屬姑附於此

困

困亨貞大人吉无咎

坎爲月互體離離爲日兌爲暗昧日所入

也今上揜日月之明猶君子處亂代

王氏本作

世作代者李避唐諱爲小人所不容故謂之困也君

子雖困居險能說是以通而无咎也

集解

九二困于酒食朱轂方來

古周易訂詁五絃鄭玄本作轂

二據初辰在未未爲土此二爲大夫有地

之象未上值天廚酒食象

古周易訂詁五引二據初辰在

未未上值天廚酒食象旨決錄引同酒食象作飲食

象困于酒食者

采地薄不作已用也二與日

當作四

為體離

為鎮霍爻四為諸侯有明德受命當王者

離為火火色赤四爻辰在午時離氣赤又

朱

象旨洪錄引二與四互體離至離氣赤又朱

是也文王將王

天子制用朱韍

儀禮士冠疏案是也至朱韍王誤連引

學易編

當刪朱深云

當作干

赤

詩斯干正義

九五劓劓困于赤紱

劓劓當為倪倪

釋文

古周易訂詁五

易纂言引晁

氏曰倪倪即詭詭之省

井

井法也

釋文

坎水也巽木桔槔也互體離兌

離外堅中虛瓶也兌爲暗澤泉口也言桔

槔引瓶下入泉口汲水而出井之象也井

以汲

當作養

人水无空竭猶君子以政教養

天下惠澤无窮也

集解

亦未繙井

繙穎也

釋文

羸其瓶

羸讀曰羸釋文

初六井泥不食

在井之下故稱泥井而泥則不可食御覽地部

九二井谷射鮒釋文射鄭音亦

射厭也釋文九二坎爻也坎水上直巽生一

艮爻也艮為山山下有井必因谷水所生

魚無大魚但多鮒魚耳言微小也夫感動

天地此魚之至大射鮒井谷此魚之至小



故以相況文選左太冲吳都賦劉淵林注

甕敝漏釋文雍鄭作甕

甕停水器也釋文

井渫不食

謂已浚渫也猶臣脩正其身以事君也文選  
王仲宣登樓賦注

革

革改也此三字又見釋文水火相息而更用事猶

王者受命改正朔易服色故謂之革也集解

大人虎變

大人天子

儀禮士相見禮疏引鄭義

君子豹變

君子諸侯

儀禮疏同士

鼎

鼎象也卦有木火之用互體乾兌乾爲金  
兌爲澤澤鍾金而含水爻以木火鼎亨孰  
物之象鼎亨孰以養人猶聖君興仁義之  
道以敦天下也故謂之鼎矣

集解

君子以正位凝命

凝成也

釋文

初六鼎顛趾利山否得妾以其子无咎

顛踣也趾足也無事曰趾陳設曰足

此八字又

見詩七月正義

爻體巽爲股初爻在股之下足象

也足所以承正鼎也初陰爻而柔與乾不同體以否正承乾乾爲君以喻君夫人事君若失正禮踣其爲足之道情無怨則當以和義出之然如否者嫁於天子雖失禮

无出道遠之而已

詩河廣正義引嫁於遠天子至遠之而已

之子廢坤爲順又爲子母牛在后妃之旁

側妾之例也有順德子必賢賢而立以爲

世子又何咎也

御覽皇親部太子

嫁於天子雖失

禮無出道遠之而已若其無子不廢遠之

后尊如故其犯六出則廢之

儀禮士婚禮疏又禮記

內則疏引遠之作廢遠后尊句如字連下句無故字

我仇有疾

周易窺餘先儒以仇爲四者惟鄭虞與子夏傳

怨耦曰仇

釋文象旨決錄

九四爲九二仇

漢上說

雉膏不食

雉膏食之美者

釋文

九四鼎折足覆公餗其刑剝

釋文渥鄭剝音屋周禮秋

官司烜氏邦若屋誅注玄謂屋讀如其刑剝

之剝漢上易云鄭作其刑剝古周易訂

詁五鄭本渥作剝易象鉤解鄭康成作其

刑剝案班固漢書序傳云底剝鼎臣服虔

引司烜文及此爻辭為注

餗菜也

釋文

糝謂之餗震為竹竹萌曰筍筍

者餗之為菜也是八珍之食臣下曠官失

君之美道當刑之於屋中

周禮天官醢人疏餗美

饌鼎三足三公象若三公傾覆王之美道

屋中刑之

周禮秋官司烜氏疏

藋爲八珍所用

詩大雅韓

奕正義

六五鼎黃耳金鉉

金鉉喻明道能舉君之官職也

文選潘安仁西征賦

潘正叔贈河陽詩

王元長曲水詩序王仲寶褚淵碑文注唐律義疏一

震

震亨震來虩虩笑言啞啞震驚百里不喪匕

鬯

號號恐懼貌啞啞樂也

釋文

震爲雷雷動物

之氣也雷之發聲猶人君出政教以動中國之人也故謂之震人君有善聲教則嘉會之禮通矣雷發聲聞於百里古者諸侯之象諸侯出教令能警戒其國內則守其宗廟社稷爲之祭土不亡匕與鬯也人君於祭之禮匕牲體薦鬯而已其餘不親也升牢於俎君匕之臣載之鬯秬酒芬芳脩

鬯因名焉

集解

正義云

鬯者鄭玄之義則爲秬黍之酒其氣調鬯故謂

之鬯又云鄭玄云人君於祭祀之禮尙牲  
薦鬯而已其餘不足觀也足觀二字誤其  
詩召南殷其雷止義引震爲雷至警戒其  
國疆之內故謂之震下有驚之言警戒也  
句而無人君至禮通矣十三字儀禮特  
牲疏引雷發聲於百里至其餘不親爲也  
字句微異周禮夏官太僕疏引雷發聲  
百里者諸侯之象人君於祭祀之禮七牲  
薦鬯而已其餘不親周易窺餘引雷聲  
聞於百里古諸侯也象旨決錄引人君  
於祭之禮親七牲爲鬯而已其餘不親爲  
也

六二億喪貝 釋文億鄭於力反

十萬曰億 釋文 周易窺餘引諸家惟康  
成訓億爲數言其喪只之多也  
案言其七字是鄭剛中語



六三震蘇蘇

蘇蘇不安也

釋文

上六震索索視矍矍

索索猶縮縮足不正也矍矍目不正

釋文

艮

艮其背

艮之言很也

釋文

艮爲山山立峙各於其所

无相順之時猶君在上臣在下恩敬不相

與通故謂之艮也

集解

九三艮其限列其牘

釋文賁鄭本作牘漢上易古周易訂詁六

案集韻牘夾脊肉也與資同

限要也

釋文

漸

鴻漸于干

干謂大水之旁故停水處

詩伐檀正義漸干正義釋文

作下水旁故停水處

夫征不復婦孕不育

孕猶娠也

釋文

九三上與九五互體為離離

爲大腹孕之象也又互體爲坎坎爲丈夫  
坎爲水水流而去是夫征不復也夫旣不  
復則婦人之道顛覆故孕而不育禮記郊  
義 祭正義不云注文以互體證之其爲  
鄭注無疑

離羣醜也

離猶去也釋文

歸妹

歸妹以須

須有

有字依釋文及詩桑扈正義增

才智之稱

釋文止天引此句

文有須女屈原之姊

桑扈正義作妹

名女須

周禮天官

序官疏

詩桑扈正義

案須字古與胥

通故二疏

胥字不並引易注須字為證而

作妹作姊

不同須字古亦作須漢書高后

紀呂祿過

其姑女須師古注云須呂后姊

此與詩正

義作妹義同又說文賈侍中說

楚人謂姊

為須王逸注楚辭亦云女須屈

原姊又水

經江水又東過秭歸縣之南注

引袁山松

曰屈原有賢姊聞原放逐亦來

歸喻令自

寬全海人冀其見從因名曰秭

歸廣韻引

云姊與姊同音此皆周禮疏作

姊之證較

詩正義更有據

女承匡

今本釋文產鄭作匡此據盧考證所

文稱鄭以

別之今仍作匡蓋傳寫之誤王氏

本亦作匡

宗廟之禮主婦奉筐當作米儀禮特牲士

昏禮婦入三月而後祭行詩葛屨正義

豐

豐之言腴元滿意也釋文腴舊作俱今據盧次證改

日中則昃月盈則食

言皆有休已無常盛公羊定十五年疏

初九遇其妃主釋文配鄭作妃

嘉耦曰妃釋文

雖旬无咎

初脩禮上朝四四以匹敵恩厚待之雖留  
十日不爲咎正以十日者朝聘之禮止於  
主國以爲限聘禮畢歸大禮曰旬而稍旬  
之外爲稍久留非常

詩有客正義

豐其蔀

釋文蔀鄭作蔀

蔀小席

釋文

漢上叢說引席下有也字

豐其蔀

釋文沛鄭作蔀

蔀祭祀之蔽膝

釋文

案蔀說文作市云

以象之皆分勿切又云韞蒙文市徐鉉云俗作絺今案鐘鼎款識周宰辟父敦朱市

字皆作采是蒂亦古字也詩曹風候人篇  
三百赤蒂毛傳云蒂譯也小雅采芣篇赤  
蒂在股箋云蒂太古蔽膝之象也

日中見昧

釋文沫鄭作昧

折其右肱无咎

三艮爻艮爲手互體爲巽巽又爲進退手  
而便於進退右肱也猶大臣用事於君君  
能誅之故无咎

儀禮親禮疏

闐其无人

闐无人貌

釋文

天際祥也

釋文翔鄭作祥

際當為察察病也

釋文

自戕也

釋文藏眾家作戕

戕傷也

釋文

旅

初六旅瑱瑱斯其所取災

瑱瑱猶小小也

釋文鄭云瑱瑱小也

交互

此字衍也

體艮

艮小石小小之象三為聘容初與二其介也介當以篤實之人為之而用小人瑱瑱



然客主人爲言不能辭曰非禮不能對曰

非禮每者

當作皆

不能以禮行之則其所以

得罪

儀禮聘禮疏

得其齊斧

釋文資斧眾家作齊斧

巽

頻巽各

頻頻願

釋文頻頻願此同鄭意案此指願

兌

離澤兌

釋文麗鄭作離

周易注

離猶併也

釋文

商兌未寧

商隱度也

釋文

渙

渙汗其大號

號令也

文選張平子東京賦李注

節

節以制度不傷財不害民

空府藏則傷財力役繁則害人一

晉泰

之所致 後漢書王符傳注

中孚

中孚豚魚吉利涉大川利貞

三辰在亥亥爲豕爻失正故變而從小名  
言豚耳四辰在丑丑爲鼃蟹鼃蟹魚之微  
者爻得正故變而從大名言魚耳三體兌  
兌爲澤四上值天淵二五皆坎爻坎爲水  
二浸澤則豚利五亦以水灌淵則魚利矣

又見象旨

決錄稍節豚魚以喻小民也

御覽四百三十引豚魚喻

小民也雖不云而為明君賢臣恩意所供

鄭注疑即此而為明君賢臣恩意所供

養故吉

詩小雅無羊正義古周易訂詁

作五六以水六字誤案易緯稽覽圖云

孚信也兩陰在內亦以五以中初之氣候

之兩陰猶民於君在上矣臣在下候行中

正之道政教信於民故謂之中孚兩陰者

三辰在丑為豕爻失正故變而為小名言

豚四辰在丑為鼃鼃魚之微者爻為正變

以其大節言魚三體兌為澤四值天淵二

五皆坎爻如水水以水度浸澤所養故吉

互體是震震為木二爻巽為風木在水上

而風行之濟大川象君能濟於難也案稽

覽圖所載與詩無羊正義所引鄭易注小

有異同而詳備乃鄭氏易義之文後人以

稽覽圖者有卦氣起中孚之義故引鄭氏

易說附入以相關發並非易緯本文今證

以無羊正義其為鄭氏易注審矣故附錄於後

乘木舟虛也

舟謂集板如今自空大木為之曰虛

詩小雅谷

風正義  
木為虛

象旨決錄鄭以集板為舟空大

小過

小過亨利貞

中孚為陽貞於十一月子小過為陰貞於

六月未法於乾坤

漢上易六  
鑿度非康成

案此本乾  
自下語王

氏本引蓋為漢上易所誤

民國甲戌

周易注

辛江都朱氏

補刊

不宜上

釋文上鄭如字

上謂君也

釋文

君子以行過乎恭

取過於禮而不爲害

御覽人事部七十

已尙也

釋文尙

古周易訂詁十上鄭玄本作

尙庶幾也

釋文

既濟

既已也盡也濟度也

釋文

六二婦喪其茀

茀車蔽也

釋文車蔽

周易窺餘茀康成以為象旨決錄茀者翟茀鄭

云車蔽離有翟象詩云翟茀以朝是也爾雅革輿前謂之輶後謂之茀

三年克之憊也

憊劣弱也

釋文

六四繻有衣袽

釋文繻鄭音須

九五東鄰殺牛不如西鄰之禴祭

互體為坎也又互體為離離為日坎為月

日出東方東鄰象也月出西方西鄰象也

禮記坊

禴夏祭之名

詩天保正義爾雅記正義疏五

未濟

未濟亨小狐汔濟

汔幾也

釋文 漢上易傳 周易窺餘汔當從鄭康成以幾爲義 象旨決

錄鄭訓汔幾

繫辭上

天尊地卑乾坤定矣卑高以陳貴賤位矣

君臣尊卑之貴賤如山澤之有高卑也

禮記

樂記正義

動靜有常剛柔斷矣



動靜雷風也

樂記正義

陽動陰靜剛柔之斷也

惠氏云穀梁莊公三年疏又注云公羊疏今檢公羊疏不見此文穀梁疏亦不言鄭注此條王本無惠氏誤引

方以類聚物以羣分

類聚羣分謂水火也

樂記正義

占周易

謂水火也至解樂記則曰方謂行蟲也物謂植生也

在天成象在地成形

成象日月星辰也成形謂草木鳥獸也

樂記

正義形謂草木鳥獸御覽地部

剛柔相摩

摩迫也

釋文

禮記樂記注摩猶迫也

八卦相蕩

釋文盪衆家作蕩

乾以易知

釋文易鄭音亦一

古周易訂詁十

佼易

詩天作正義

三極之道也

三極三才也

釋文

象旨決錄

所樂而翫者

釋文

君子居則觀其象而翫其辭

釋文云而玩鄭仁翫古周易

訂詁十一

震无咎者存乎悔

震懼也

釋文

易與天地準

準中也平也

釋文

原始及終

釋文反終鄭作及終  
詁十一 象旨決錄

古周易詁

精氣爲物遊魂爲變是故知鬼神之情狀與  
天地相似故不違

精氣謂七八也遊魂謂九六也七八木火

之數也九六金水之數木火用事而物中  
故曰精氣爲物金水用事而物變故曰遊  
魂爲變精氣謂之神遊魂謂之鬼木火生  
物金水終物二物變化其情與天地相似  
故無所差違之也

集解 古周易訂詁

鬼 象旨決錄引精氣爲物者七八遊魂  
爲變者九六又引木火用事而物生金水  
用事而物變又云相似  
鄭玄與鬼神連解者非精氣謂七八遊魂  
謂九六遊魂謂之鬼物終所歸精氣謂之  
神物生所信也言木火之神生物東南人

水之鬼終物西北二者之情其狀與春夏

生物秋冬終物相似禮記樂記疏又月

二句又中庸鬼神之神生物金水之鬼終物又質諸鬼神疏

引同周禮天府疏引精氣謂七八二句

# 而道濟天下

道當作導

釋文案古導字省作道論語

文帝紀令各率其意以道民焉顏師古注云道讀曰導

範圍天地之化而不過曲成萬物而不遺

範法也釋文範者刑之所自出圍者數之所

能周天地之化有刑數故可得範圍木燒而水弱金堅而火燥土均而布稼穡出焉相成也而開物相克也而成務制於形麗於數而未始有窮也无以範圍之則天有伏陰地有愆陽五行之氣怫鬱而失其性其發也有不得其平而甚至於過水有啟閉火有出納而必適其時冶金以爲利伐木以爲用陶土以爲器而必順其理此範圍天地之化也故不過易也天地也聖人

也合則同離則異天下之萬物出入死生  
之不齊而不可爲量數由其道得其宜極  
其高大莫不安其性命之情而致曲以成  
之者易而已蓋帝之於萬物所以出齊相  
見與夫役說戰勞而遂至於成也豈一理  
而足哉此之謂曲成萬物而不遺也

義海撮要

七

一陰一陽之謂道

道无方也陰陽則有方矣道无體也陰陽

則有體矣无方故妙物而爲神无體故用  
數而爲易有方則上下位焉有體則大小  
形焉是物而已然所謂道者未嘗離物而  
物无乎非道則道非卽陰陽非離陰陽而  
萬物之所由者一陰一陽而已彼師天而  
无地師陰而无陽者皆萬物之所不由也  
義海撮要七

繼之者善也成之者性也

在仁爲元在義爲藏在禮爲嘉在智爲寂



在性爲穀善端不一而皆在於可欲則所以繼道而不絕者善而已道非有心者所能得近非无心所能得遠惟默而得之性而成之則所以成道而無虧者性而已善名立而道之體虧矣故莊子曰離道以善自道以降可欲者惟善而已故曰繼之者善也命之在我各有儀則一性自成體道咸備以空寂以覺照則所謂性者果且有虧乎哉故曰成之者性也

義海撮要七

故君子之道眇矣

釋文解鄭作眇

眇少也

釋文

臧諸用

釋文藏鄭作臧

臧善也

釋文案臧古藏字賈誼新書傳職篇不舉不臧大戴禮作藏荀子

解蔽篇心未嘗不臧也楊諒注云臧讀爲藏墨子耕柱篇不舉而自臧王海引作藏詩小雅隰桑篇中心藏之箋云藏善也然說文無藏字徐鉉曰漢書通作臧字從艸後人所加

富有之謂大業

兼濟萬物故有曰富有

御覽人事部一百二十二

成象之謂乾效法之謂坤

象有見而已法則制焉乾位乎亥前天一  
肇焉萬物於是乎始有見坤位未後萬寶  
成焉裁而制焉萬物皆覩聖人立成器以  
爲天下利亦合乎天地之法象而已

義海撮要

七

夫乾其靜也專其動也直是以大生焉夫坤  
其靜也翕其動也闢是以廣生焉

无爲而制命有爲而順理无容心焉任一

氣之自運是以大生焉无一物之不覆冒也  
也以土爲質而受物之歸以化爲事而效  
法以示无容心焉委衆形之自化是以廣  
生焉无一物之不持載也乾其動也直而  
坤卦曰六二之動直以方也闢戶謂之乾  
而此曰坤其動也闢何也任理而不爲私  
者乾之直也坤之道盡於一二則一法天  
而已出命而萬物以出者乾也至柔而動  
也剛則其趨時也有所闢焉而不可以爲

常也乾坤一道也動靜不失其時而物生焉此其所以爲廣大歟

義海撮要七

夫易聖人所以崇德而廣業也

成己者德也故欲崇崇則日新成物者業也故欲廣廣則富有夫易者用數而非數也變動不居超然於形器之外以此盡其性則極高明矣故聖人所以崇德以此通於事則功蓋天下矣故聖人所以廣業

義海

撮要七

知崇禮卑崇效天卑法地

德之崇在智以辨物故也業之廣在禮以  
交物故也辨則天道升故知言崇交則天  
道降故禮言卑智於五行爲水水趨下也  
而致用常在上升而爲雲是也禮於五行  
爲火火炎上也而致用常在下若烹飪是  
也然智天一也辨而見獨故崇效天以遠  
而尊故也禮地二也示而弗闕故卑法地  
以邇而親故也

義海撮要七

而擬諸其形容象其物宜是故謂之象

擬諸其形容者剛柔有體象其物宜者百  
物不廢

義海撮要七

聖人有以見天下之動而觀其會通以行其  
典禮繫辭焉以斷其吉凶是故謂之爻

爻者九六之數也會則萬物皆相見通則  
氣融而亨典言常禮言變而辭者所以命  
其物也萬物方靜辨而各正后不省方而  
君子則向晦亦无所效矣天下之時至於

會通而无道以御之則是在羣之聚而忘  
不虞之戒處既濟之定而无防患之思也  
豈能必无凶乎故有典焉以經之有禮焉  
以緯之順之者吉逆之者凶而繫辭焉以  
斷天下之動始得而和矣若否泰損益之  
不同而消息盈虛之不能違爻效之故也  
義海撮要七

言天下之至蹟而不可惡

釋文鄭  
鳥路反

也言天下

之至動而不可亂也

釋文言天下之至動鄭  
本作至蹟云蹟當作動



古周易訂詁十一

天下之蹟去人情也遠矣則疑若可惡象  
之所言每與理會則人將樂而玩之矣天  
下之動擾擾而不齊則疑若可亂爻之所  
言每與事適則人將居而安之義海撮要七  
擬之而後言議之釋文議鄭玄本作儀而後  
動擬議以成其變化

老子曰善言无瑕謫善行无轍迹夫言至  
於无瑕謫行至於无轍迹可謂神矣則所

謂變化者其外乎擬議之間哉義海撮要七

樞機之發榮辱之主也

樞謂戶樞也機謂弩牙也

左傳正義無謂字禮記正義

無也戶樞之發或明或闇弩牙之發或中

或否以譬言語之發有榮有辱左傳襄二十五年正義

義禮記曲禮正義作以喻君子之言或榮或辱

其臭如蘭

蘭香草也文選張平子東京賦李注

慎斯術也釋文慎鄭時震反

術道

釋文

有功而不置

和文德鄭本作置

置當爲德

釋文

君不密則失臣臣不密則失身幾事不密則害成

幾微也密靜也言不慎于微而以動作則

禍變必成

公羊文六年疏

野容誨注

釋文治鄭作野

飾其容而見於外曰野

後漢書崔

言妖野

容儀教誨淫佚也

釋文

大衍之數五十其用四十有九

天地之數五十有五以五行氣通凡五行

減五大衍又減一故四十九也

正義劉牧鉤隱圖

引此有五下有者字氣通下有於萬物故

四十九無凡五行三字故四十九也作故用

之數五十五有五其六以象上畫之數故減

之用四十九案鄭無象衍演也

六畫之義此引有誤文天一生

水於北地二生火於南天三生木於東地

四生金於西天五生土於中陽無耦陰無

配案書世範正義及周禮校人疏俱云陽無匹陰無耦二疏雖不稱鄭蓋亦鄭易注也證以下條左傳昭九年正義此當云陽無匹陰無耦未得相成地六成水於北與天一并天七成火於南與地二并地八成木於東與天三并天九成金於西與地四并地十成土於中與天五并也大衍之數五十有五五行各氣并氣并而減五唯有五十以五十之數不可以爲七八九六卜筮之占以用之故更減其一故四十有九也

禮記月令正義 五行大義論易動靜數引鄭

易注  
玄曰貞晦六爻本有五十定所用者四十  
有九天地之數本五十五天五與地十通  
天一與地六通數之者氣則有并并則宜  
減焉大衍減五或有五十其用減一故四  
十有九不并者不可減也今總其數五十  
者天一至地十凡五十五也案此與月令  
正義引畧同唯不明云易注疑有闕誤

揲之以四

揲取也

釋文

天數五地數五五位相得而各有合

天地之氣各有五五行之次一曰水天數  
也二曰火地數也三曰木天數也四曰金

地數也五曰土天數也此五者陰无匹陽  
无耦故又合之於地六爲天一匹也天七  
爲地二耦也地八爲天三匹也天九爲地  
四耦也地十爲天五匹也二五陰陽各有  
合然後氣相得施化行也左傳昭九年正義  
凡天地之數五十有五此所以成變化而行  
鬼神也

天地之數五十有五以之開物成務以之  
冒天下之道所謂易者如斯而已此所以

成莫大之變化行无形之鬼神也新故相  
代清濁相廢死生相膠萬變相纏此之謂  
成變化五辰伏見四時潛處七宿軫轉六  
甲內馴此之謂行鬼神鬼神无形而數能  
行之何哉周官以八則治都鄙有祭祀以  
禦其神夫所謂神者王之祭祀猶足以禦  
之而使從況天地之數哉

義海撮要七

當期之日

四正卦之爻減二十四之數與當期之日



相契

漢書叢說

八卦而小成引而伸之觸類而長之天下之  
能事畢矣

八卦以象告而已雖曰通神明之德類萬  
物之情而易之爲書未悉備也故曰八卦  
小成引而伸之所謂數者自一以至千百  
萬之不同觸類而長之所謂卦者有上下  
焉有內外焉而遂至於六十四則大爲天  
地幽爲鬼神散爲萬物誠天下而同吉凶

之患周世變而際古今之運无不該也无不徧也故曰天下之能事畢矣天能天而不能地地能地而不能天人各有能有不能是豈天下之能事哉惟无能也无不不能也然後天下之能事畢矣

義悔撮要七

子曰知變化之道者其知神之所爲乎

物極之謂變變則離形而藏於密物生之謂化化則因形而易以漸萬物之新故四時之盈虧日月之往來與夫人之所以視

聽言動若有機絨而不能自己者皆變化也變化代興孰爲之者必曰神而已知此則合散消息舉在我矣託於地文示以天壤奔逸絕塵而獨立乎形器之上有顏子之所不能知季咸之所自失而走者則其體化而合變庸非知神之所爲乎

義海撮要七

以制器者尙其象

此

當有四字孫堂本遵殷服周禮疏補

者存於器象可得

而用一切器物及造立皆是

周禮太卜疏

聖人之所以極深而研機也

機今作幾此見釋文

研喻思慮也

文選陸士衡弔魏武帝文注又潘元茂冊魏公九錫文注

引無也字機當作幾微也

釋文

是故蓍之德圓而神

蓍形圓而可以立變化之數故謂之神也

儀禮少牢饋食禮疏

神武而不殺者夫

釋文殺鄭所戒反

不意殺也

音訓 晁氏

以神明其德

釋文云荀虞願至夫子絕句眾皆以夫字屬下句

易有太極

極中之道淳和未分之氣也

文選張茂先  
勵志詩注

兩儀生四象

布六於北方以象水布八於東方以象木

布九於西方以象金布七於南方以象火

漢上叢說 案此易緯乾鑿度注文王氏  
以為易注蓋為漢上叢說所誤

以定天下之吉凶成天下之亹亹者莫大乎

蓍龜

釋文莫善本亦作莫大 案公羊注引  
易文作莫善賈疏云今易本善作大為

異即引彼注云云知鄭易作大不作善注文  
廣大無不包正詁大字

凡天下之善惡沒沒之眾事皆成定之言

其廣大無不包也

公羊定八年疏案疏不云鄭注公羊疏皆用

鄭義此注是鄭可知

河出圖洛出書

春秋緯云河以通乾出天苞洛以流坤吐

地符河龍圖發洛龜書咸

集解引作咸此從王義河

圖有九篇洛書有六篇也

集解正義無也字正義海

要七引鄭康成以春秋緯云河圖有九篇洛書有二篇二不作六

有以尙賢也釋文又以鄭本作有以

繫辭下

八卦成列象在其中矣因而重之爻在其中  
矣剛柔相推變在其中矣繫辭焉而命之動  
在其中矣吉凶悔吝者生乎動者也

虞義作十言之教曰乾坤震巽坎離艮兌

消息無文字謂之易

漢上易八  
左傳定四年正義引易云伏

義至消息神農重卦

正義序  
周禮疏二十四  
漢上易卦圖上又

說象

道无變動則爲三才而八卦以象

告道有變動則爲六爻而九六以數倚天

數肇於一地數起於二木生於三金別於四而土偁於五此數之自然也參天數而得九兩地數而得六九六定其數而卦成卦成而爲爻爻成而變動備矣蓋易者象而已發天下之賾而託於健順動入陷麗止說之用寓天下之道而形於天地山澤風雷水火之物則八卦成列而象斯在其中矣卦始於三畫未有爻也因而重之則其體有上下其位有內外其時有初終其



序有先後其數有九六其序有本末而爻在其中矣五陽也而居之以六二陰也而居之以九柔來而文剛分剛上而文柔剛柔之中不中屢變而无常也故曰剛柔相推變在其中矣蹇之不可以往也坎之不可以出也大過之可以大有爲睽之可以小事履之所以經世需之所以待時率其辭而揆其方天下之動不可易矣故曰繫辭焉而命之動在其中矣曰在其中者其

周易注

五

理猶隱也聖人繫辭焉而命之吉凶則吉凶悔吝者生乎動者也天下之理動不若靜靜而无爲則蕩然无執孰爲吉凶不觀一疵孰爲悔吝動而交物則所謂吉者常久而凶悔吝者常多此聖人之動所以常處於不得已者歟

義海撮要八

夫乾確然示人易矣夫坤隤然示人簡矣確然堅高也乾之德不陷乎陰而其道上行崇以臨之刻以制之可謂確然矣然昭

之以象觀之以文則日月有象雲漢有章  
因性而已其德行常易也坤之勢承天而  
以下爲順其厚以載物其靜以代終可謂  
隕然矣然山河之融結草木之華實其止  
說以性其生成以時循理而已其德行常  
簡也

義海撮要八

爻也者効此者也象也者像此者也爻象動  
乎內吉凶見乎外功業見乎變聖人之情見  
乎辭

道之在事者爻效之其在理者象像之靜  
而已則吉凶泯而未見動乎內然後吉凶  
見乎外故曰爻象動乎內吉凶見乎外與  
事造業謂之功效之所成謂之業情者性  
之動辭者言之文復命曰常則道之貞所  
以治身也出而應物則帝之所興王之所  
起應時而造者或損或益不可以爲常也  
故曰功業見乎變聖人也者盡性而化則  
无言可也其發之於象著之於爻者亦曰

以情言而已則辭之所寓者特聖人之情而已故曰聖人之情見乎辭易曰辭有險易又曰繫辭焉以盡其言夫險易之理明而天下知其所趨則不陷乎凶咎悔吝之域聖人之情蓋可見矣

義海撮要八

何以守位曰人

持一不惑曰守

詩鳧鷖序正義

理財正辭禁民爲非曰義

聚斂有經費出有法兼并无所肆其開闢

邦國不得擅其節制此之謂理財垂法於  
象魏讀法於鄉黨著之話言布之典冊上  
言之以爲命下守之以爲令此之謂正辭  
奢不得僭上賤不得踰貴造言者有誅僞  
行者有刑有以率其怠倦有以鋤其強埶  
此之謂禁民爲非凡此皆義也

義海撮要  
八

占者包犧氏之王天下也

包取

王氏本  
作聚

也鳥獸全具曰犧

釋文

近取諸身遠取諸物於是始作八卦以通神

明之德以類萬物之情

伏羲世質作易以爲政令而不書止畫其

卦之形象

路史後紀一

作結繩而爲罔罟以佃以漁蓋取諸離

象卦制器皆取卦之爻象之體

正義稱諸儒

包犧氏沒神農氏作

女媧修伏犧之道無改作

書序正義

神農氏沒黃帝堯舜氏作通其變使民不倦  
神而化之使民宜之易窮則變變則通通則

久是以自天祐之吉無不利

全天高陽高辛遵黃帝之道無所改作故

不述焉

周禮大司樂疏

黃帝堯舜其號名雖殊其

所以應時而趨變凡以爲民而已執久則  
執視久則瞬事久則弊不更則數故通其  
變者使民不倦而已非常之變黎民懼焉  
故神而化之使民宜之川行而涉陸行而  
塗也爲之舟車以通之木處而顛土處而  
病也爲之宮室以居之爲之棺槨以易溝



壑之陋爲之書契以革結繩之簡爲之衣裳以辯上下爲之弧矢以威不恪患至而爲之備事來而爲之應法之所未病聖人不強易民之所未厭聖人不強去凡此者所謂通其變也如天之運如神之化在之而不示其所以在之之迹宥之而不示其所以宥之之事其效至於民无所施其智巧也日用飲食而已此之謂使民宜之物則備而有窮道則通而無弊易者道也故

窮則變變則通通則久天下之事所以易  
虧而亟壞者變而不能通也道之所以自  
古而固存者一闔一闢往來不窮也故常  
久而不已者天地之道而顯然无間者莊  
子謂之命此所以自天祐之吉無不利歟  
義海撮要入

黃帝堯舜垂衣裳而天下治蓋取諸乾坤

黃帝始燔肉爲炙

書鈔一百四十五

始去羽毛

公羊

桓四年疏乾爲天坤爲地天色玄地色黃故玄

以爲衣黃以爲裳象天在上地在下土託

位南方

詩七月正義

王制正義

南方色

赤黃而兼赤故爲纁也

王制正義詩七月正義作南方故云

用纁

又王制正義引元衣法天黃裳法

地

周禮染人疏引乾坤即天地之色但

天玄地黃而玄纁者土無正位託位南方

火火色赤與黃共爲纁也

司服疏引乾

爲天其色玄坤爲地其色黃但土無正位

託於南方火色赤赤與黃卽是纁色故以

纁爲名也案已上三條原文並經注連

書雖不云鄭注亦依約鄭義而言又御

覽六百八十九引下句蓋取諸乾坤注云

上衣下裳乾坤之象亦當是鄭注

重門擊柝以待虢客蓋取諸豫

釋文景鄭作

豫坤下震上九四體震又互體有艮艮爲

門震日所出亦爲門重門象艮又爲手巽

爻也應在四皆木也手持二木也手持二

木以相敵是爲擊擄擊擄爲守備警

王氏本作

驚戒也

左傳哀七年正義引手持至此二作兩敵作敵擊擄下無擊擄爲三

字四又互體爲坎坎爲盜五離爻爲甲冑

戈兵盜謂

字誤惠氏改作甲冑二字

持兵是號客也又

以其卦爲豫有守備則不可自佚

周禮宮正疏

後世聖人易之以棺槨蓋取諸大過

大過者巽下兌上之卦初六在巽惟巽爲  
木上六位在巳巳畜巽位巽爻爲木二木  
在外以夾四陽四陽互體爲二乾乾爲君  
爲父二木夾君父是棺槨之象禮記檀弓正義  
上吉結繩而治

結繩者爲約書序正義易正事大結  
其繩事小小結其繩正義書序正義無  
二結字

後世聖人易之以書契  
書之于木刻其側爲契各持其一後以相

考合書序正義  
序釋文引作  
其木謂之書契也  
事文類聚別集二  
書

象也者像也

像擬也

釋文稱眾本並云

陽一君而二民君子之道也陰二君而一民  
小人之道也

一君二民謂黃帝堯舜謂地方萬里爲方  
千里者百中國之民居七千里七七四十  
九方千里者四十九夷狄之民居千里者

五十一是中國夷狄二民共事一君二君  
一民謂三代之末以地方五千里一君有  
五千里之士五五二十五更足以一君二  
十五始滿千里之方五十乃當堯舜一民  
之地故云二君一民

禮記王制正義

易曰斲于石

釋文介眾家作斲

君子知微知章

今作彰此見文選注

君子知微謂幽昧知章謂明顯也

文選潘安仁西

征賦注

惠氏引無首二字

其殆庶幾乎

庶幸也幾覲也

詩兔爰正義

男女觀精

觀合也男女以陰陽合其精氣

詩草蟲正義

其易之門戶邪

正義入論及世說文學篇注引易贊此語門下有戶字

因貳以濟民行

貳當為式

釋文

王氏本式作式

易之興也其於中古乎

易是文王所作

左傳序正義

文王為中古

集解引虞



翻云

作易者其有憂患乎

文王囚而演易

正義論卦辭爻辭誰作

損德之修也益德之裕也困德之辯也

修治也

釋文

辯別也遭困之時君子固窮小

人窮則濫德于是別也

集解

損其所有餘則

累去而德全益其所不足則智明而德光

无患而自若者眾人也有憂而不改其操

者君子也困則君子小人較然見矣

義海撮要

履和而至謙尊而光復小而辯於物恆雜而不厭損先難而後易益長裕而不設困窮而通井居其所而遷巽稱而隱

履者禮也以交物爲事故其用以和爲貴以辯上下則雖交而有辯焉出而交物爲无所至入而辯焉爲有所至所謂君子者其交也其辯也一而已故柔乘剛而不咥履帝位而不疚以經世而无患若夫知交

物之爲和而不用辨物之爲至則在四而  
懷惓惓之志在二而爲幽人之事失其所  
履矣與物雜而不厭然後見君子若長沮  
桀溺之徒方且厭用之濁而自謂處其清  
宜君子以爲不可與同羣也忿欲之害性  
損之爲難覺而宜焉是卽性也何難之有  
自生也而无益生之祥自長也而无助長  
之害自成也而无勸戒之殆長而至於裕  
其益也孰禦豈以飾爲事哉不見事而无

悶困而通也并居而有遷義以德分人也

巽之獲隱重因彼而物莫能測也

義海撮要入

設大也周禮考工曰中其莖設其後

考工記桃

氏疏

易之爲書也不可遠爲道也屢遷

正義序變屢作婁

化不居周流六虛上下无常剛柔相易不可

爲典要唯變所適其出入以度外內使知懼

又明於憂患與故无有師保如臨父母初率

其辭而揆其方既有典常苟非其人道不虛

行

以言者尙其辭以動者尙其變以制器者  
尙其象以卜筮者尙其占欲違則不能也  
此之謂不可遠其變也神游其動也雷行  
其周也天旋其流也川通此之謂爲道也  
屢遷道有出乎无方者不可以方求故上  
下則无常有入乎不測者不可以體居故  
剛柔則相易陽上而陰下爲有常矣乾剛  
而坤柔爲不可易矣然且无常而相易則

事之有典體之有要者豈足以喻於易之道哉一闔一闢往來不窮唯變所適而已故曰上下无常剛柔相易不可爲典要唯變所適傳曰用之彌滿六虛則六虛者豈特大爻之位哉此易之所以无乎不在也故曰仰而視之在乎上俯而窺之在乎下典猶用之有典要猶體之有要典要者道也既有典常辭也其出入以度外內使知懼又明於憂患與故无有師保如臨父母

初率其辭而揆其方既有典常者所以申  
言易之爲書不可遠如此也靜而已不涉  
於動性而已不交乎情則內外民而爲一  
亦何患之有有出焉往而之上有入焉來  
而之內則不可以无度也若中孚之初九  
以虞吉屯之六二以无虞而吝則出入以  
度內外者凡使之知懼而已非特知懼也  
又明於憂患與故則民之所患與夫事之  
理无不察焉故雖无師保如臨父母則易

之爲書能使人之愛敬殆若天性然初率其辭而揆其方既有典常則易之辭見端而知末觀旨而知歸若形之於影聲之於響其典爲可考其常爲可守故也文言曰君子行此四德者故曰乾元亨利貞元亨利貞乾之德也而必曰君子行然後可以爲乾之備則道果在天邪果在人也故曰苟非其人道不虛行道之在天下賢者識其大者不賢者識其小者則明於本數繫



重添校正蜀本書林事類韻會卷第八十九

入聲

屋下

衣服

奢美無衣

儉散法度

異服洗濯

製造補綴附

賄遺

天子六服

王后六服

五服

天子諸侯大夫士

婦人命服

祭服

燕服

戎服

車服

野服

膳服

賜衣服

附九錫門

元服

見三加門

纁服

雜服

除服

不忍除附

以恩制服

追行喪服

兩服

馬

五服

夏制旬侯綏要流

甸服

侯服

綏服

要服

荒服

五服

實服同周制

九服

侯服

周

甸服

周

男服

采服

衛服

要服蠶服

蕃服表服

賓服

復卦

起復

矢箛

目視及替附

耳目視聽附

牧

牧九牧附

十二牧

力牧風力附

昭穆

菽

方叔

康叔

唐叔

三叔魯公康叔唐叔

嫂叔

祝

祝

大祝

宗祝

粥

薦熟見薦食門

熟土

梁肉

肉

竹

竹附八音門

版築見土功門

儲畜

六

五六同

九六

種陸附種門

小畜卦

大畜卦

菊

燠附暑門

求服

服法天地之數

前魏相陳春秋天子所制當天地

君下及兆民能法天地順四時以治國家身亡禍殃年壽未究禮服之興以章德夫一也所

報以一尊仁尚賢故非觀聖人易之以絲麻其人不得服所以順禮也觀聖人易之以絲麻羣聖人易之以絲麻程聖人易之以絲麻之聖人易之以絲麻文聖人易之以絲麻

之始作五采衣華之色乃染帛以效身衣者一之章旌禮以

也昭九年文采明尊卑卑異貴賤而勸有德也服物昭庸

所先制者改正朔易服表容容衣服服物昭庸

其功也周語五采彰施于五色色見五門質良良功尤彰者飾

成其美者其服志大雅歌其文文夫衣裳之制所以定下殊

翼共武之服詠其武也晉五行志別貴賤等給之度月彼

已之子惟鵠在梁不濡其翼禮以文為貴者禮身之

表也衣服所以稱德德過之則後春服成采采

詩西人之子安且吉芳芳九月授衣衣並禮不盛服不充

九制禮服以興太平前禮女工之蠶蠶務穀之暑服月孟夏

天子初衣衣服異宜宜禮命服賜服不踰南南禮衣服在

注縞俗也衣服異宜宜禮命服賜服不踰南南禮衣服在

躬禮衣服而不得其貌禮之文也佳衣服名為周罔然無知之貌或揚或襲之文以為禮也裼禮之文也佳衣服襲禮之文也佳衣服

衣服有別禮問人之寒則衣之鄉服魯哀公問孔子曰夫子之服其

儒服與孔子曰丘少居魯衣逢掖之衣長居宋冠章甫之冠丘聞君子之學也傳其服也卿丘也

也夫掖之衣君子蓋形文子聖人衣足以禦風寒禦風上挾纁善

衣完月不費夫祛猶在嘉服游服之喜好人

之服要之棘之褒衣博帶傳不疑謁裘之裼也見

美也禮裝衣之著其文章為絺為綌詩去地三寸朱博

為琅邪守勅功曹官屬多褒衣大袷增儒服見叔孫通儒服嘗

之乃變其服短衣楚制又斷食其踵軍門上謁衣儒衣冠佈公

使人謝曰方以天下為事未暇見儒人食其按劔吐使者曰吾高

陽酒徒非儒也斷衣令短門蓋寬饒次公左遷南司馬未出殿

市公遽延入長劍按豫讓擊青袍如草身被輕服曹植創衣冠聖

見鳥獸容臭草木英華始以五采章施于五色作服帝黃

此一謂靈士八之區天地無之爲脉仁  
之至鬼神之情狀變之爲人物之死生  
不該也无不徧也此之謂悉備楊雄曰  
上而懸天其下也淪淵其纖也入蕤其廣  
也包畛豈殫此歟陰斂其質陽散其太  
道也靜翕以柔動闢以剛地道也以仁立  
人以義立我人道也天辟乎上而流二氣  
人位乎中而統元識地辟乎下而統元生  
其體雖各立而其用无不通此之謂和

撮要八

當文王與紂之事耶

據此言以易是文王所作斷可知矣

年正義又左傳序正義云鄭玄案據此以爲易是文王所作

夫乾天下之至健也德行恒易以知險夫坤天下之至順也德行恒簡以知阻

乾純陽也爲天下之至健坤純陰也爲天下之至順至健矣與時偕行而无所積則疑若難而未嘗不易者因性故也至順矣

與理偕會而无違則疑若煩而未嘗不簡  
者以循理故也惟因性故拂性而行者有  
所不爲則知險矣此陰之所以不能陷也  
惟循理故違理而動者有所不作則知阻  
矣此陽之所以不能止也險在前也陽不  
能進而爲需陰无得而勝焉阻在前也坤  
自由而爲比陽无得而勝焉此又乾坤之  
不忽於陰陽而爲健順之至歟

義海撮要  
入

成天下之亹亹者

周易注

補刊

鹽鹽汲汲也釋文 據公羊定八年疏引  
上繫注當作汲汲蓋即爾雅

人謀鬼謀百姓與能

鬼謀謂謀卜筮於廟門儀禮士冠疏言謀為善

謀助之百姓能與安己者御覽人事部八十九

愛惡相攻釋文惡鄭烏洛反

文言

君子體仁

體生也文選陸士衡贈顧交趾詩注



不成乎名

當隱之時以從世俗不自殊異無所成名

也

集解

確乎其不可拔

確堅高之貌拔移也

釋文

閑邪以存其誠

會通晁氏呂氏音訓

君子進德脩業及時故无咎

晁氏音訓

聖人作

作起也

釋文

民國甲戌

周易注

九四江都朱氏

亢龍有悔窮志災也

釋文志窮鄭作窮志  
晁氏易呂氏音訓

利貞者情性也

漢上易一  
晁氏呂氏音訓  
古周易訂詁十三性情

鄭作情性

周易象旨決錄

乾始而以美利利天下

晁氏呂氏音訓

與日月齊其明

書堯典鄭注  
齊今作合

必有餘殃

殃禍惡也

釋文

爲其謙於陽也故稱龍焉

詩采薇正義  
王氏本仍依王弼易

作嫌於无陽朱子發漢上易傳云鄭本作兼  
於陽也亦見荀慈明九家易集解本從之釋

文則誤作謙蓋言旁與水旁混耳 古周易  
詞話十二嫌鄭本作謙讀如羣公嫌之嫌

謙讀如羣公嫌之嫌古書篆作立心與水  
相近讀者失之故作謙嫌雜也陰謂此上  
六也陽謂今消息用事乾也上六爲蛇得  
乾氣雜似龍 詩小雅采薇正義

### 說卦

昔者聖人之作易也

昔者聖人謂伏犧文王也

書孔序正義

參天兩地而奇數

周官樂氏注倚鄭作奇於綺反

天地之數備於十乃三之以天兩之以地而倚託大演之數五十也必三之以天兩之以地者天三覆地二載欲王氏本作必極於數庶得吉凶之審也正義象旨決錄引同欲作必發揮於剛柔

揮揚也

釋文

窮理盡性以至於命

言窮其義理盡其人之情性以至於命吉

凶所定

文選陸士衡弔魏武帝文注

兼三才而兩之故易六畫而成卦

禮記樂記注引上句

才作材

三才天地人之道六畫畫六爻

儀禮士冠禮記

雷風相薄

薄入也

釋文

萬物出乎震震東方也齊乎巽巽東南也齊也者言萬物之絜齊也離也者明也萬物皆相見南方之卦也聖人南面而聽天下嚮明而治蓋取諸此也坤也者地也萬物皆致養

焉故曰致役乎坤兌正秋也萬物之所說也  
故曰說言乎兌戰乎乾乾西北之卦也言陰  
陽相薄也坎者水也正北方之卦也勞卦也  
萬物之所歸也故曰勞乎坎艮東北之卦也  
萬物之所成終而所成始也故曰成言乎艮

萬物出於

周易折中引作乎

震雷發聲以生之也

齊於

折中

巽有相見於離四字

風搖動

漢

易作

以齊之也潔

漢上易折中並作潔猶新也

漢上易無

也相見於離

此四字漢上易折中並無

萬物皆相見日

照之使光大萬物皆致養

漢上易此下有焉字

地氣

含養使

漢上易有字

秀實也

漢上易無也字

萬物之所

說草木皆老猶以澤氣說成之戰言陰陽

相薄西北陰也而乾以純陽臨之猶君臣

對合也

此六字折中無

坎勞卦也水性勞而不倦

萬物之所歸也萬物自春出生於地冬氣

閉藏還皆入地萬物之所成終而所成始

言萬物陰氣終陽氣始皆艮之用事也

是氏

本引漢上易折中止此漢上易無也字

坤不言方神

當作之坤

養物不專此時也

此十三字正義又作引坤不言方者所言地之

養物不專一也兌不言方而言正秋者秋分也兌

言秋分則震爲春分坎爲冬至離爲夏至

乾爲立冬艮爲立春巽爲立夏坤爲立秋

可知兌言正秋者正時也離言聖人南面

而聽天下嚮明而至則餘卦亦可以類推

矣戰乎乾言陰陽相薄而乾勝也

義海撮要九

神也者妙萬物而爲言者也

妙惠本改作妙案釋文王肅董

遇作眇董云成也鄭注共成萬物義與董同惠改非妄以無明據姑從闕文



共成萬物不可得而分故合謂之神

上道

易傳九

義海撮要九

莫盛乎艮

釋文盛鄭作成

盛裏也

釋文裏爲裏

案王氏本音訓會通並誤

故水火相逮

釋文故水火不相逮鄭無不字

乾爲首坤爲腹震爲足巽爲股坎爲耳離爲

目艮爲手兌爲口

漢上易曰鄭本此章在乾爲馬之前

兌爲口兌上開似口

漢上易傳九

艮爲狗

艮卦在丑艮為止以能吠守止人則屬艮

以能言則屬兌兌為言故也

周禮秋官序官疏此條

及禮記月令正義乾道變化一條表記正

義蠱上九一條緇衣正義恆九三一條又

六五一條檀弓正義下繫一條原文俱未

明云易注王氏附於卷末前列左傳正義

服虔說二條並注云互體說易蓋亦本諸

康成案易有互體自田何以來傳之非鄭

氏所造服春秋雖出自鄭氏其說易互體

傳受不明且此集鄭易非集鄭春秋也惠

氏剛服說二條良是此周禮疏及禮記正

義六條以鄭注義例證之確為注文無疑

惠氏刪本取半不知所據孫堂補遺全采

入注是也了張二家輯本又疑乾道變化

一條為孔疏語棄而不錄亦無明證茲依

孫氏補遺例全采入注

兌爲羊

其畜好剛鹵

周禮夏官羊人序官疏古周易訂詁十四

乾爲天

天清明无形

漢上易九

爲瘠馬

凡骨爲陽肉爲陰

漢上易九

爲均

今亦或作旬也

禮內則注周禮地官均人疏云今書亦有作旬者

爲龍

民國甲戌

周易注

九江都朱氏

龍讀爲尨取日出時色雜也

漢上易九

補刊

大人用駝可也注云故書駝作龍鄭司農

云龍讀爲駝謂不純色也地官牧人用龍

可也注云故書龍作廐杜子春云廐當作

龍謂雜色不純是龍駝義同古駝字多作

龍虞干本經文龍改爲駝古龍字亦通駝

集韻引詩長發篇爲下國駿廐齊詩作駿

駝又案周禮春官巾車龍勒注龍駝也雜

色爲勒又駝車注故書駝作龍杜子春云

龍讀爲駝則龍與駝廐古皆通用

爲專

釋文勇本又作專鄭市戀反

爲大塗

國中三道曰塗震上值房心塗而大者取

房有三塗焉

漢上易傳九

爲萑葦

竹類

漢上易傳九

其於稼也爲反生

生而反出也反其生者有生有不生

漢上易九

爲墨

晁氏墨今作爲工

其於人也爲宣髮

案寡王作宣據考工記車人半矩謂之宣注易巽爲

宣髮疏按說卦云其於人也爲宣髮今易文

不作宣作寡者蓋宣寡義得兩通故鄭易宣

不作寡也

宣髮取四月靡草死髮在人體猶靡草在

地考工記車人之事疏

爲黃纁

釋文廣鄭作黃

漢上叢說

爲矯輳

釋文切

易纂言說卦傳云矯鄭汝九

爲月

臣象也

文選月賦注

爲電

取火明也久明似日暫明似電也

集解象旨決

錄引大明者日暫明者電也

為乾卦

乾當為幹陽在外能幹正也

釋文叢說

漢上

決錄乾鄭玄作幹陽在外能幹正也

為鼈為蟹為羸為蚌為龜

骨在外

考工記梓人疏

太一御覽九百

其於木也為科上稟

釋文葉鄭作稟

古周

科上者陰在內為疾

漢上易九

為徑路

田閒之道曰徑路艮為之者取山閒鹿兔

之蹊

初學記居處部

錦繡萬化谷後集

為小指

晁氏為指鄭作為小指

為黠喙之屬

釋文黠鄭作黠

古周易訂詁

謂虎豹之屬貪冒之類

釋文十四引虎豹之

局八取其為山獸

漢上易九引取為山獸

為陽

漢上易九鄭康成本作陽古周易訂詁

通淮南記論訓山出臬陽高誘注云臬陽山

精也爾雅狒狒郭璞注云臬羊也陸德明云

狒狒說文作𧢲𧢲讀若費費一曰臬陽今說

文作臬羊通志六書略引同列女傳晉人有

單羊國語國策竝作陽漢綏民校尉熊君碑

治歐羊尚書又以羊為陽索爾雅郭璞注引



此魯詩陽如之何又曰巴濮之人自稱阿陽卽

此陽謂爲養无家女行貨炊爨今時有之

賤於妾也

漢上易九

晁氏

古周易訂

爨賤於妾者

羊女使

頊安世周易玩辭

序卦

物生必蒙

蒙幼小之貌齊人謂萌爲蒙也

集解

物稚不可不養也

言孩稚不養則不長也

集解

飲食必有訟

訟猶爭也言飲食之會恒多爭也

集解

履然後安

晁氏云鄭无而泰二字

有大有不可以盈

晁氏者鄭作有

有大而能謙必豫

言國

一作同

既大而有謙德

一作而能謙

則於政

事恬豫雷出地奮豫豫

木或不豐王氏本上豫爲逸

行

出而喜樂之意

集解

豫必有隨

喜樂而出人則隨從孟子曰吾君不遊吾  
何以休吾君不豫吾何以助此之謂也正義  
可觀而後有所合

易乾鑿度曰陽起於子陰起於干天數大  
分以陽出離以陰入坎坎爲中男離爲中  
女太乙之行出從中男入從中女因陰陽  
男女之偶爲終始也後漢崔駰傳注象  
旨決錄案此是乾  
鑿度注非易注王氏誤引

致飾然後亨釋文云亨鄭許兩反

有无妄物然後可畜

周易玩辭鄭作物然後畜  
晁氏同

故受之以大過

以養賢者宜過於厚

正義

夫婦之道不可以不久也

言夫婦當有終身之義夫婦之道謂咸恒

也

集解

物不可以終久於其所

晁氏久居鄭作終久於

主器者莫若長子

謂父退居田里不能備祭宗廟長子當親

視滌濯鼎俎

禮記曲禮正義

雜卦

屯見而不失其居

釋文云見鄭如字

損益衰盛之始也

會通引釋文 今釋文本無

兌說

今作見

而巽伏也

晁氏

蠱則飾也

釋文 案飾字今作飭漢隸通呂氏春秋貴公篇曰醉而飾服高誘

注云飾讀曰飭又先己篇子女不飭注云不文飭也太平御覽引飭作飾古周易訂詁十六云飭鄭玄本作節節字係傳刻之誤

否泰反其類也

先尊而後卑先通而後止者所以類陽事

也

古周易訂詁二

大過顛也

自此以下卦音不協似錯亂失正弗敢改

耳

晁氏

小人道消也

晁氏憂難作消

易贊

易之爲名也

見世說注正義八論

一言

正義論言

作名而函

世說注

三義易簡

世說注

一

也變易

二也不易三也故

世說注無故字

繫辭云

世說注云作曰

乾

坤其

世說注無其字

易之組邪

世說注邪作也

又云

世說注無此二

字易之門戶邪

世說注邪作也

又云夫

世說注云作曰無夫字

作

乾確然示人易矣夫

世說注無夫字

坤隤然示人簡

矣易則易知簡則易從此言其易簡之

世說注無

簡易無之字

法則也又云其

正義論云作曰無其字

為道也

屢遷變動不居周流六虛上下无常剛柔相

易不可

世說注可下有以字

為典要唯變所適此言順

一作從

時變易出入移動者也又云

世說注云作曰

天

尊地卑乾坤定矣卑高以陳貴賤位矣動靜

有常

世說月常誤作爲

剛柔斷矣此

世說注有則字當行

言其

張設布列不易者

世說注也無者字

也

周易正義論易

引止此

據此三義而說易之道廣矣大矣

世說新語文學篇注

夏曰連山殷曰歸藏周曰周易

書洪範正義引夏曰二句

作易贊

周官大卜疏同

禮

連山者象山

記祭義正義引二句作易贊

之出雲連連不絕歸藏者萬物莫不歸藏於

其中周易者言易道周普无所不備

正義論三代易

名



慮義作十言之教曰乾坤震巽坎離艮兌消

息无文字謂之易漢上易傳八又左傳定四年正義引易云伏羲至消

息此條王附易贊已注於下繫八卦成列下

神農重卦正義論重卦之人此條王附易贊已注於下繫因而重之下

周易以變者為占故稱九稱六乾正義此條王附易贊已

注於乾初九下

### 附錄

案鄭注詩禮用京氏易義注易用費氏學

然用京氏易義即鄭氏易也故附錄張氏

惠言所輯數十則於後

毛詩草蟲亦既見止亦既覯止我心則降傳  
覯遇也箋云既覯謂已昏也始者憂於不當  
今君子待已以禮庶自此可以寧父母故心  
下也易曰男女覯精萬物化生正義曰謂之  
遇者男女精氣相覯遇故引易以明之

按今易覯

作構鄭注云合也爾雅釋詁遘遇也詩傳箋  
本此易姤卦釋文云古文作遘鄭同集解引  
鄭注云姤遇也序卦姤者遇也並當作遘易  
注又訓為合者詩野有蔓草邂逅相遇毛傳  
邂逅不期而會釋文迨本亦作遘按釋詁會  
也易屯卦匪寇昏媾鄭注葍猶會也是遘

遇會合四字義並得通也

采薇曰歸曰歸歲亦陽止箋云十月爲陽時  
坤用事嫌於無陽故以名此月爲陽正義曰  
彼說坤卦自以上六爻辰在巳爲義已至四  
月故消息爲乾非十月也且文言嫌於無  
陽爲心邊兼鄭從水邊兼初無嫌字如疑與  
此異按鄭本作嫌於陽集解本作兼於陽引  
九家易曰陰陽合居故曰兼陽王弼本  
作嫌於陽注云爲其嫌於非陽而戰兼嫌嫌  
皆聲相近故文異而本無无字則同今本皆  
作嫌於无陽豈因詩箋而誤衍乎惠定宇云  
蓋唐以後亂之

白駒皎皎白駒賁然來思傳賁飾也箋云易

卦

疑象

曰山下有火賁賁黃白色也釋文賁徐

音奔毛鄭全用易爲釋正義曰賁卦離下艮

上艮爲山離爲火故言山下有火以火照山

之石故黃白色也蓋謂其衣服之飾也

按易注云

文飾之貌與毛傳義同王肅易注云黃白色與箋義同然則詩箋所用蓋易今文家舊說

無羊大人占之衆維魚矣實維豐年箋云魚

者庶人之所以養也今人衆相與捕魚則是

歲熟相供養之祥也易中孚卦曰豚魚吉正

義曰孟子曰七十者可以食雞豚豚魚俱是

養老之物

按此言當有所本

故引之以證魚可供養

也彼注意以豚魚喻小民

按彼彼易注也

與此乖者

以彖云豚魚吉信及豚魚喻恩澤及民觀彖爲說此則斷章取義故不同也

瓠葉幡幡瓠葉采之亨之君子有酒酌言嘗之箋云亨熟也熟瓠葉者以爲飲酒之菹也此君子謂庶人之有賢行者也其農功畢乃爲酒漿以合朋友習禮講道藝也酒旣成先

與父兄室人亨瓠葉而飲之所以急和親親也飲食而曰嘗者以其爲之主於賓客賓客則加之以羞易兌象曰君子以朋友講習正義曰所會朋友必爲講習以易有此言以著義故知此合朋友爲習禮講藝

思齊不顯亦臨無射亦保箋云臨視也保猶居也文王之在辟廂也有賢才之質而不明者亦得觀於禮於六藝無射才者亦得居於位言養善使之積小致高大

下武媚茲一人應侯順德箋云可愛乎武王  
能當此順德謂能成其祖考之功也易曰君  
子以順德積小以高大正義曰升卦巽下坤  
上故言木生地中木漸而順長以成樹猶人  
順德以成功定本作慎德準約此詩上下及

易宜爲順字又集註亦作順

按周易音義以順德如字王肅

同本又作慎師同據此知德明之師本作以  
慎德王弼當作慎字陸孔皆作順蓋爲王肅  
所誤也禁辨作以慎德虞翻曰二之五艮爲  
慎故慎德虞治孟氏易傳業五世許叔重備  
爾孟氏易爲古文可證古文易作慎德先師  
傳費氏易費亦古文鄭易當同虞翻作慎蓋

詩經下武應侯順德毛氏古文作順齊魯韓  
今文作慎易經象傳君子以慎德費氏孟氏  
古文作慎京氏等今文作順先師注詩宗毛  
注易本費箋詩引用之易則京氏而非費氏  
王肅好與鄭異故注毛詩而私用三家於家  
語弟子行既作應侯慎德復改毛經順字爲  
慎所以有定本之誤從於易文竊取京氏順  
字以見異於鄭本遂致亂費氏之經顏師古  
漢書敘傳下注引詩曰媚茲一人應侯順德  
與詩正義所言定本正出一手史證口訣義  
引何妥易作慎德按何妥亦本王弼

民勞戎雖小子而式宏大箋云戎猶女也式  
用也宏猶廣也今王女雖小子自遇而女用  
事於天下甚廣大也易曰君子出其言善則



千里之外應之況其邇者乎出其言不善則  
千里之外違之況其邇者乎是以此戒之  
天作彼作矣文王康之彼徂矣岐有夷之行  
傳夷易也箋云彼彼萬民也徂往行道也彼  
萬民居岐邦者皆築作宮室以爲常居文王  
則能安之後之往者又以岐邦之君有佼易  
之道故也易曰乾以易知坤以簡能易則易  
知簡則易從易知則有親易從則有功有親  
則可久有功則可大可久則賢人之德可大

則賢人之業以此訂大王文王之道卓爾與  
天地合其德 正義曰言乾以倭易故爲知  
坤以凝簡故爲能人能倭易則其情易知凝  
簡則其行易從情易知則人親之故易知則  
有親行易從則功可就故易從則有功人以  
物不我親不能以久故有親則可久由舉事  
無功不能以大故有功則可大爲物所親事  
可長久是爲德有所成故可久則賢人之德  
舉事有功道可廣大是爲業有所就故可大

則賢人之業生人能事德業而已易簡爲之  
無在不究故彼又云易簡而天下之理得是  
天地之德易簡而已岐邦之君亦有易簡之  
行是與天地同功按倭易之義必本先師易  
注易釋文繫辭上易知以  
鼓反鄭荀董並音亦又大壯喪羊於易以鼓  
反鄭音亦謂倭易也詩毛傳夷易也及鄭箋  
倭易及引易文並當音亦釋文夷易羊鼓反  
下除易曰皆同誤也公羊注有倭易宋板  
爾雅疏引白虎通有倭易

周禮宮正夕擊柝而比之注鄭司農云柝戒  
守者所擊也易曰重門擊柝以待暴客春秋

傳曰營擊柝聞於邾

均人凡均力政以歲上下豐年則公旬用三日焉中年則公旬用二日焉無年則公旬用一日焉注公事也旬均也讀如營營原隰之營易坤爲均今書亦有作旬者釋曰易坤爲地地德均平是以均爲義今易書有作旬字者旬與均俱有均平之意故引爲證

按尚書大傳推

六律六呂旬十有二變鄭注云旬均也今俗本作詢譌

嫁氏令男三十而娶女二十而嫁注二三者

天地相承覆之數也易曰參天兩地而奇數

焉釋文奇數於綺反本或作倚音同釋曰易

辭解云天一地二天三地四天五地六按此二字

衍是就奇數之中天三度生地二度生象天

三覆地二載載字舊脫據故云天地相承覆

之數周易音義而倚於綺反馬云依也王肅其綺反云立也虞同蜀才作奇通易正

義引鄭云倚託大衍之數集解載虞翻崔憬注皆訓依爲立是馬鄭二王虞崔等皆作倚

數周禮音義大書奇數貴疏云就奇數之中

天三度生地二度生是周禮注明作奇字陸

云本或作奇者此妄人依今本周易所改非

也然則鄭注易與注禮所據本不同注易是

賈氏本先師本傳云始通京氏易注禮在注  
易之前則周禮注作奇字所據蓋京氏易也  
蜀才作奇與周禮注正合蜀才易注十卷見  
釋文序錄及隋志七錄云不詳何人顏氏家  
訓書證篇云謝靈夏侯該並讀數千卷書皆  
疑是誰周王儉四部書目及七志云王弼後  
人當非是果爲王弼後人安得更作奇數

司尊彝裸用虎彝蜺彝注鄭司農云蜺讀爲  
蛇虺之虺或讀爲公用射隼之隼

天府季冬陳玉以貞來歲之媿惡注問事之  
正曰貞問歲之美惡謂問於龜大卜職大貞  
之屬鄭司農云貞問也易曰師貞丈人吉問

於丈人國語曰貞於陽卜

按又言貞者事之幹也師彖貞正也

易注云有幹正人之德本此周禮天府太卜注皆訓貞爲問與易注不同蓋亦費京之異也先後鄭並傳費氏易而注引用之易皆京氏舊誼故天府注仲師引易證貞之爲問又可見仲師卜注康成亦引易證貞之爲問又可見仲師所引易義與康成意盡同也

太卜掌三易之灋注易者揲著變易之數可

占者也釋曰易繫辭云分而爲二以象兩掛

一以象三揲之以四以象四時歸奇於扚以

象閏此是揲著變易之數可占者也按易文

卦畫七八爻稱九六用四十九著三多爲交

錢六爲老陰也三少爲重錢

舊亦誤作單錢據儀禮士冠禮

疏改

九爲老陽也兩多一少爲單錢七爲小

陽也兩少一多爲坼錢

二字舊脫據儀禮疏補

八爲少

陰也夏殷易以七八不變爲占周易以九六

變者爲占

以邦事作龜之八命二曰象注象謂有所造

立也易曰以制器者尙其象

凡國大貞注鄭司農云貞問也國有大疑問

於蓍龜玄謂貞之爲問問於正者必先正之



乃從問焉易曰師貞丈人吉

寧固注固國所依阻者也國曰固野曰險

曰王公設險以守其固釋曰引之證固是在

國王公設之以守國

按今注疏本同易作守其國玉海職官引鄭注

是固字今據改魏書高閭傳閭上表曰易稱王公設險以守其固北監本作固又三國志魏高堂隆傳棧潛曰王公設險以固其國亦守其固之誤也

大司馬之職比小事大以和邦國注比猶親

使大國親小國小國事大國相合和也易比

象曰先王以建萬國親諸侯釋曰其卦坤下

坎上坤爲土坎爲水水得土而流土得水而  
柔是水土和合故象先王建萬國親諸侯謂  
法卦行事使諸侯相親

羅氏蜡則作羅襦鄭司農云襦細密之羅  
讀爲縠有衣袷之縠釋文袷女居反字又作  
絮

校人凡頒良馬而養乘之乘馬一師四騶三  
乘爲皐皐一趣馬三皐爲轂轂一馭夫六轂  
爲廐廐一僕夫注自乘至廐其數二百一

六匹易乾爲馬此應乾之筴也釋曰按易天  
一生水北方地二生火南方天三生木東方  
地四生金西方天五生土中央是謂陽無匹  
陰無耦又地六成水北方天七成火南方地  
八成木東方天九成金西方地十成土中央  
是謂陽有匹陰有耦龜取生數一二三四五  
蓍取成數六七八九十若然東方南方生長  
之方故七爲少陽八爲少陰西方北方成熟  
之方故九爲老陽六爲老陰不取十者中央

配四方故也是以易之六爻卦畫七八爻稱  
九六七八九六既配四方故九六皆以四乘  
之乾之六爻以四乘九四九三六六爻故  
二百一十六是謂乾之筭也

小司寇之職以八辟麗邦灋附刑罰注麗附  
也易曰日月麗乎天附猶著也釋曰天者自  
然之氣日月本在虛空而附自然之氣故得  
爲附著也

朝士掌建邦外朝之灋注鄭司農云外朝在

路門外內朝在路門內左九棘右九棘故易  
曰係用徽纆示於叢棘釋文示於之豉反又  
如字本或作寘按古文寘字今文假借聲近  
字作示釋文云寘劉作示鄭  
注本費氏易必作寘字作示者蓋今文京氏  
易仲師好古雖傳費易要其功令所班誦習  
之本亦爲示字可知

掌戮凡殺其親者焚之注親總服以內也焚  
燒也易曰焚如死如棄如釋曰不孝之罪五  
刑莫大焉得用議貴之辟刑之各舊誤若  
今改如  
所犯之罪引之者證焚如是殺其親之刑也

周易注

司烜氏若屋誅則爲明竈焉注屋讀如其刑  
劓之劓劓誅謂所殺不於市而以適甸師氏  
者也釋文刑劓徐音屋劉音握釋曰屋誅謂  
劓師氏屋舍中誅則王之同族及有爵者也  
按周禮疏醢人司烜氏引鄭易形皆作刑注  
云刑之於屋中周易音義形渥鄭作劓音屋  
是鄭氏注禮注易經之本與義並同也

考工記通四方之珍異以資之謂之商旅注  
販賣之客也易曰至日商旅不行

石有時以泐注鄭司農云泐讀如再扞而後

卦之扞泐謂石解散也夏時盛暑大熱則然  
車有六等之數注車有天地之象人在其中  
焉六等之數漢易之三才六畫釋曰易說卦  
云兼三才而兩之故易六畫而成卦兼三才  
者天有陰陽地有剛柔人有仁義三才六畫  
一才兼二畫故車之六等漢之也按賈氏所  
述與樂記  
正義合必本鄭易注

商人爲輶行數千里馬不契需注鄭司農云  
契讀爲爰契我龜之契需讀爲畏需之需謂

不傷蹄不需道里釋文需音須又乃亂反釋

曰需讀爲畏需之需謂從易需卦之需

按乃亂反

需爲夷音須非也先師易注云陽氣夷而不  
宜前者畏上坎也與司農畏需義正同賈疏  
知讀爲畏需從需卦之需者據先師易注而  
知之也

車人之事半矩謂之宜注頭髮皓落曰宜半

矩尺三寸三分寸之一人頭之長也何桓之

木頭取名焉易巽爲宜髮

舊誤作寡髮今據疏改

釋曰

云頭髮皓落曰宜者以得謂宜去之義人髮

皓白則落墮故云此者解頭名宜意也今易



文不作宣作寡者蓋宣寡義得兩通故鄭爲  
宣不作寡也周易音義寡髮本又作宣髮馬  
鄭王弼易本皆作寡髮按費氏  
易如此周禮注作宣髮則先師始通京氏易  
也集解亦作宣髮虞翻曰爲白故宣髮考工  
記疏具有二文錯誤幾不可讀余爲正之

弓人爲弓老牛之角紵而昔注鄭司農云昔

讀爲交錯之錯謂牛角牴理錯也元謂昔讀

履錯然之錯釋文錯七各反李云鄭且苦反

釋曰昔讀爲交錯之錯者讀從詩獻酬交錯

讀履錯然之錯者讀從離卦爻辭按周易音義履錯鄭

徐七各反馬七路反疑作徐七各反馬鄭七  
路反王弼注錯然敬慎之貌也徐仙民爲王  
音讀七各反七路反與且苦反同讀爲措鄭  
易據焉馬鄭多同又集解引荀爽曰火性炎  
上故初欲履錯於二亦讀錯爲措馬鄭與荀  
皆傳費氏易者也

厚其帑則木堅薄其帑則需注需謂不充滿  
鄭司農云帑讀爲襦有衣絮之絮帑謂弓中  
裨釋文衣絮本亦作帑周易作裨皆女居反  
中裨符支反又音卑釋曰弓中裨者造弓之  
法弓幹雖用整木仍於幹上裨之乃得調適  
也按帑謂弓中裨此帑字亦當作絮

儀禮士冠禮筮與席所卦者注筮所以問吉凶謂蓍也所卦者所以畫地記爻易曰六畫而成卦釋曰筮法依七八九六之爻而記之但本用木畫地今則用錢以三少爲重錢重錢則九也三多爲交錢交錢則六也兩多一少爲單錢單錢則七也兩少一多爲拆錢拆錢則八也

玄端玄裳黃裳雜裳可也注上士玄裳中士黃裳下士雜裳雜裳者前玄後黃易曰夫玄

黃者天地之雜也天玄而地黃

鄉飲酒禮記亨於堂東北注祖陽氣之所始也陽氣主養易曰天地養萬物聖人養賢以及萬民釋曰引易頤彖辭者養取養賢能而賓舉之事

鄉射禮記福長如筈博三寸厚寸有半龍首其中蛇交注兩端爲龍首中央爲蛇身相交也蛇龍君子之類也釋曰易云龍戰于野其血玄黃鄭注云聖人喻龍君子喻蛇是蛇龍

總爲君子之類也交者象君子取矢於楅上  
也

覲禮乃右肉袒於廟門之東注右肉袒者刑  
宜施於右也凡以禮事者左袒入更從右者  
臣益純也易曰折其右肱无咎釋曰凡卦爻  
三至四二至五兩體交互各成一卦先儒謂  
之互體故鄭隨其義而注云引之者證刑理  
宜於右之義

按義與易注不同易注主君言  
之禮注主臣言之

少牢饋食禮左執筮右兼執韉以擊筮注將

問吉凶焉故擊之以動其神易曰著之德圓而神

禮記曲禮安定辭注審言語也易曰言語者君子之樞機正義曰論語云駟不及舌故審言語也易曰者易繫辭之文也引之者證審言語之事彼爲言行鄭云言語者既證經辭無取於行故變文爲語也按先師斷不輕改說非也左氏襄二十五年傳非文辭不爲功慎辭哉注樞機之發榮辱之主正義引鄭易注云以譬言語之發有榮有辱與此注所引注正合可證鄭所據本是眞本今作言行爲

失其真杜注左傳時尙作言語孔疏禮記時  
已作言行下小正云抱朴子外篇疾謬正  
郭兩篇引易樞機俱專指言語盧景宣大戴  
踐作篇注亦云言爲榮辱之主

檀弓戎事乘翰注翰白色馬也易曰白馬翰  
如按易注云翰也與此異

王制論辨然後使之注辨謂考問得其定也  
易曰問以辨之

月令其數八注數者五行佐天地生物成物  
之次也易曰天一地二天三地四天五地六  
天七地八天九地十而五行自水始火次之

木次之金次之土爲後水生數三成數八但  
言八者舉其成數正義曰引易曰以下者易  
下繫文也天陽地陰陽數奇陰數耦陽所以  
奇者陽爲氣氣則渾沌爲一無分別之象又  
爲日日體常明無虧盈之異故其數奇其陰  
數所以耦者陰爲形形則有彼此之殊又爲  
月月則有晦朔之別故其數耦也

其日丙丁注丙之言炳也時萬物皆炳然著  
見而強大又因以爲日名焉易曰齊乎巽相



見乎離

禮運故天生時而地生財人其父生而師教之四者君以正用之故君者立於無過之地也注順時以養財尊師以教民而以治政則無過差矣易曰何以守位曰仁何以聚人曰

財釋文何以守位曰仁本亦作人

周易音義曰人王肅

下伯玉桓玄明僧紹作仁可證鄭易及王弼本皆作人正義作仁謂必信仁愛誤也本義作人云曰人之人今本作仁呂氏從古蓋所謂非眾罔與守邦繡堂接費氏古文亦作人京氏今文易作仁先師注易用古文注禮用京氏易禮運注不當作人王肅好與鄭異故

易本以作仁也後漢書蔡邕傳蓋聞聖人之  
大實曰位故以仁守位以財聚人李賢注何  
以守位曰仁文選張平子東京賦且天子有  
道守在海外守位以仁不恃墮害李善注用  
周易曰何以守位曰仁與先師禮注同皆用  
今文易也禮注尊師以教民治政無過差者  
仁字意故引易以證之余弟和貴以大學有  
人此有土證之謂古文作人字是

故明於順然後能守危也注能守自危之道  
也君子居安如危小人居危如安易曰危者  
安其位正義曰謂所以今日危亡者正爲不  
知畏懼偷安其位故致危也

禮器諸侯以龜爲寶注古者貨貝寶龜大夫

以下有貨耳易曰十朋之龜

五獻之尊門外缶注缶大小未聞也易曰尊

酒簋貳用缶

按正義引鄭易亦作尊今本加水旁作樽

郊特牲故天子牲孕弗食也祭帝弗用也注孕任子也易曰婦孕不育

內則不敢噦噫噓咳欠伸跛倚睇視注睇傾

視也易曰明夷睇于左股

周易音義夷於如字子夏作睇鄭陸

同云旁視曰睇京作腴睇同

由命士以上及大夫之子旬而見注旬當爲

均聲之誤也有時適妾同時生子子均而見者以生先後見之易說卦坤爲均今亦或作旬也正義曰按易說卦以坤爲均象地之均平今易之文或以均爲旬者是均得爲旬也皇氏云母之禮見子象地之生物均平故引易以爲均非也按象地之均平蓋本先師易注故皇氏據之以說禮然鄭注引易之意則當從孔說

明堂位崇圻康圭注崇高也康讀爲亢龍之亢又爲高圻亢所受圭奠於上焉釋文康圭

音抗苦浪反出注按今易皆作亢不作抗鄭  
子法於伯禽今文王世子作抗注抗猶舉也  
是亢抗義通也史記仲尼弟子列傳原亢家  
語七十弟子解作原抗

學記教人不盡其材注材道也謂師有所隱  
也易曰兼三才而兩之謂天地人之道正義  
曰伏犧書上法天下法地中法人謂之三才  
說卦云立天之道曰陰與陽立地之道曰柔  
與剛立人之道曰仁與義三才各有其兩故  
云兼三才而兩之而有六爻也

樂記聲相應故生變注樂之器彈其宮則眾  
宮應易曰同聲相應同氣相求

宮亂則荒其言驕商亂則陂其官壞注荒猶  
散也陟也也言曰王耄荒易曰无平不陂按  
傾也可補鄭云注

幽則有鬼神注助天地成物者也易曰是故  
知鬼神之情狀與天地相似五帝德說黃帝  
德曰死而民畏其神者百年春秋傳曰若敖  
氏之鬼然則聖人之精氣謂之神賢知之精

氣謂之鬼 正義曰熊氏云繫辭鬼神者謂七八九六自然之鬼神又聖人賢人鬼神與自然鬼神俱能助天地而成物故鄭總引之也

著不息者天也注著猶明白也息猶休止也易曰天行健君子以自強不息

祭統此天子之樂也康周公故以賜魯也注康猶褻大也易晉卦曰康侯用錫馬

經解故禮之教化也微其止邪也於未形使

人日徙善遠罪而不自知也是以先王隆之  
也易曰君子慎始差若豪釐繆以千里此之  
謂也注隆謂尊盛之也始謂其微時也正義  
曰此易繫辭文也太史公自序故易曰失之毫釐差以千里故曰臣弑  
君子弑父非一旦一夕之故也其漸久矣集  
解徐廣曰一云差以毫釐一云繆以千里駟  
案今易無此語易緯有之司馬遷傳故易曰  
差以毫釐繆以千里故臣弑君子弑父非一  
朝一夕之故其漸久矣師古曰今易經及彖  
象繫辭並無此語所稱易緯者則有之焉斯  
蓋易家之別說者也按太史公作失之毫釐  
繆以千里臣弑君上有故字或作差以者上  
下皆非今史記作故曰臣弑君依漢書曰字  
衍禮記出七十子之徒而引易有君子慎始



三句知非出緯書蓋漢初傳易者俱失此經  
惟太史公能知其次故引用之此當在文言  
傳坤卦積善之家四句下孔仲達謂易繫辭  
文非也經解止邪於未形與文言傳由來者  
漸頊早辨義正合文言傳蓋言順也順當讀  
爲慎此慎字與上君子慎始之慎一氣緊相  
貫注朱子本義曰古字順慎通用此當作慎  
言當辨之於後也按朱子雖不知文言傳有  
脫文而此注則深得經意矣考漢易蓋多作  
順字集解引荀爽曰乾氣加之性而堅象臣  
順君命而成之周易音義言順如字春秋繁  
露基義篇云履霜堅冰蓋言遜也按遜亦順  
也後漢書宦者列傳論易曰履霜堅冰至云  
所從來久矣今迹其所以亦豈一朝一夕哉  
李賢注易曰履霜堅冰至亦言順也

坊記故君子約言小人先言注言人尙德不

尙言也約與先互言爾君子約則小人多矣  
小人先則君子後矣易曰君子以多識前言  
往行以畜其德

故食禮主人親饋則客祭主人不親饋則客  
不祭故君子苟無禮雖美不食焉易曰東鄰  
殺牛不如西鄰之禴祭寔受其福注東鄰謂  
紂國中也西鄰謂文王國中也此辭在既濟  
既濟離下坎上離爲牛坎爲豕西鄰禴祭則  
用豕與言殺牛而凶不如殺豕受福喻奢而

慢不如儉而敬也春秋傳曰黍稷非馨明德  
惟馨信矣釋文寔受時力反易作實正義曰  
鄭易注九五一爻有坎有離此注總論既濟  
之卦下體爲離上體爲坎與易注不同

按古文易

作實今文易作寔

故君子於有饋者弗能見則不視其饋易曰  
不耕穫不菑畲凶注言必先種之乃得穫若  
先菑乃得畲也安有無事而取利者乎田一  
歲曰菑二歲曰畲三歲曰新田正義曰無妄

震下乾上六二既在震卦居中得位宜合仕者謂合事九五被六三所隔不得往仕是道之不行雖食其祿猶不耕穫割不畱畬■無功得物是其凶引之者證貪財之事

中庸維天之命於穆不已蓋曰天之所以爲天也於乎不顯文王之德之純蓋曰文王之所以爲文也純亦不已注天所以爲天文王所以爲文皆由行之無已爲之不止如天地山川之云也易曰君子以慎德積小以成

按

本衍成字  
宋本無

高大是與釋文慎德如字一本又

作順

質諸鬼神而無疑知天也注知天知人謂知其道也鬼神從天地者也易曰故知鬼神之情狀與天地相似

表記子曰無辭不相接也無禮不相見也欲民之毋相褻也易曰初筮告再三瀆瀆則不告注瀆之言褻也正義曰蒙卦坎下艮上艮爲山坎爲水山下出泉是物之蒙昧童蒙之

象也筮問也言童蒙初來問者師則告之若再三來問是爲褻瀆問既褻瀆師則不復告之引之者證無相褻瀆之義也

故君子不以小言受大祿不以大言受小祿易曰不家食吉注此大畜卦辭也彖曰不家食吉養賢也言君有大畜積不與家食之而已必以祿賢者賢有大小祿有多少

故君使其臣得志則慎慮而從之否則孰慮而從之終事而退臣之厚也易曰不事王侯

高尚其事注言臣致仕而去不復事君也君  
猶高尚其所爲之事言尊大其成功也

緇衣子曰南人有言曰人而無恒不可以爲  
卜筮古之遺言與龜筮猶不能知也而況於  
人乎易曰不恒其德或承之羞恒其德貞婦  
人吉夫子凶注羞猶辱也貞問也問正爲貞  
婦人從人者也以問正爲常德則吉男子當  
專行幹事而以問正爲常德是亦無恒之人  
也釋文德偵音貞周易作貞

易注云以和說  
幹其家事不訓

貞爲問禮注云問正爲貞貞不訓貞爲幹事此  
言男子當專行幹事者此因象傳夫子制義  
言之非既訓爲問正又訓爲幹事自以其義  
也

深衣負繩抱方者以直其政方其義也故易  
曰坤六二之動直以方也注言深衣之直方  
應易之文也政或爲正